



सानसेयारि **“बड'सा”** खरीर्लाइयाव
समाजयारि जिउजों लोब्बा थानाय रायथाय, खन्थाय,
सल', सल'बाथा आरो दावबायारि थावनि, पार्क
बाइदिनि सायाव लिन्नाय लिन्बिदां दैथाय हर्/
सानसेयारि **“बड'सा”** खरीर्लाइया खेबखानावै
फोखावगोन/
बड'सायाव लिन्हर्नायनि हुढा खालाम,
“बड'सा” खरी नौथो, जों बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 23 April, 2025 Kokrajhar, BTC, Assam ★ Vol. - 35, Issue No.28 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

बाजेट जथुमनि सिगां बिटिसि मावफुं आफादनि गोनांथार जथुम

फैगौ मे दानआव बिटिआर कमिउनिटि वेलफेयार बिफान आरो मिशन बैसोमुथि 0.2 खौ बेखेवगोन

कक्राझार, 22 एप्रिल:
बिटिआरनि गाहाइ मावफुं
सोद्रोमा प्रमद बर' दैदेनाय
जुथाइ दोलोनि गौथुमआरि
सरकारनि इक्जिकुटिभ
काउन्सिल (इसि)नि जथुमखौ
दिनै बिटिसिनि सेक्रेटारिएटआव
खुंनय जादों। मख'नो गोनांदि,
बिटिआरनि गाहाइ मावफुं
सोद्रोमा प्रमद बर'नि
आफादगिरि मासि
सामलायनायाव खुंजानाय
इक्जिकुटिभ कउन्सिलनि
जथुमआव बिटिआरनि




थागिरिफोरनि थाखाय मोननै
गोनांथार थांखिआजावना लादों।
बेनिनो गौथुमआरि सरकारआ
फैगौ मे दानआव बिटिआरआव
थानाय फिसा-गेदेर मोन 26
हारिनि रांखान्थि-समाजआरि
जौगाखानायनि थाखाय मोनसे
गोदान बिफान बेखेवगोन।
'बिटिआर कमिउनिटि वेलफेयार
डेभेलपमेन्ट' मुंजों बेखेवजानो
(□ 6 बिलाइआव)

**काजलगावआव
ड्रग्सजों लोगोसे
सानै फालांगिरिखौ
हमदों**

बासुगाव, 22 एप्रिल: चिरां
जिल्लानि काजलगाव थानानि
सिडाव थानाय बरतलवा
हाथाइआव दिनै पुलिसआ
ड्रग्सजों लोगोसे सानै सुरां
फालांगिरिफोरखौ हमनो हादों।
पुलिसनि सुलुंनिक्राय मिबथि
मोन्नाय बादियै मोनसे स्त्रोद
(□ 6 बिलाइआव)

जम्मु-काश्मीरनि पहलगामआव उतखारिफोरनि गाग्लोबनायाव सा 26 दावबायारि सुबुंफोरनि जिउ खहा

गाग्लोबनायाव लोब्बा थानाय सासेबो उतखारिफोर बास'नाय नडा: नरेन्द्र मदि



गोदान दिल्ली, 22 एप्रिल: माखासे बोसोर
समनि उनाव जम्मु-काश्मीरआव फिन सोमजिदों
उतखारिफोरनि मोनसे गिखंथाव गाग्लोबनाय
जाथाय। जाय गाग्लोबनाय जाथायाव दाय गैयै
सा 26 सुबुंफोरा जिउ खहा जानांदों। जम्मु-
काश्मीरनि पहलगामआव सोमजिदों बे उतखारि
जाथाया। दिनै मंगलबारखालि सा 5 सो सोद्रोमा

थानाय मोनसे उतखारिनि हान्जाया जम्मु-
काश्मीरनि समायनो दावबायथिलि थावनि
पहलगामआव हरखाबै हादतनि गुबुन गुबुन
राइज्योनि दावबायारिफोरनि सायाव गोखों
हाथियारजों गाग्लोबो। उतखारिफोरनि गाग्लोबनाय
एबा गुलि गावनायाव दासिम सा 26 सुबुंफोरनि
जिउ खहा जानायनि (□ 6 बिलाइआव)

रौतानि बर' बाजारआव उदालगुरि जिल्ला एबसुनि बान्जायनायाव रंजालि बैसागु फोर्बो खुंदों



माजबात, 22 एप्रिल:
उदालगुरि जिल्ला रौतानि
बर'बाजारआव गाजा-गोमजायै
रंजालि बैसागु फोर्बो खुंदों।
उदालगुरि जिल्ला दुलायय बर'
फरायसा आफादनि सान्जा
ओन्सोलनि मोन 6 दख'रा
आफादनि जुथायै बान्जायनायाव
आंगोनि रंजालि बैसागु फोर्बोखौ
(□ 6 बिलाइआव)

हाउराघाटनि गरकिया फुखुरि गामियाव सानथामनि रंजालि बैसागु फोर्बोआ थुंगेबाय



हाउराघाट, 22 एप्रिल: कार्बि आलं जिल्लानि हाउराघाट ओन्सोलनि गरकिया फुखुरि
गामि जौगाखां आफादनि बान्जायनायाव आरो गरकिया फुखुरि नेहरू संघ आरो
गरकिया फुखुरि गामिनि आइजो आफादनि जुथाइ हेफाजाबआव बोसोफ्रोमबो खुंबोनाय
बादिनो बे खेबआवबो 20 एप्रिलनिफ्राय खुंनय सानथामनि गेदेर हाबाफारिया दिनै
मंगलबारखालि थुंगेबाय। 25थि रंजालि बैसागु हाबाफारिखौ गरकिया फुखुरि गामिनि
नामघर लांगोनायाव खुंनय जादों। आंगोनि रंजालि बैसागु फोर्बोखौ लोब्बा लानानै
गेवलां मेलजों लोगोसेनो बान्था गथायनाय मेलबो (□ 6 बिलाइआव)

गोजोननि नोगोर कक्राझारआव सिखाव खावनायनि जाथाय

जयपुरआव सिखावआ नोगोद धोनजों लोगोसे गहेनाफोर खावना लादों

कक्राझार, 22 एप्रिल: गोजोननि नोगोर
कक्राझारआव आथिखालाव सान-हरनि समाव
सिखावनि उतरखार-खावनायाव आ सरासनसा
राइजो-राजाफोरखौ जिंगासिहोदों। मख'नो
गोनांदि, कक्राझार सहरनि जयपुरआव मैया
समबारखालि बेलासि समावनो मोनसे
नख'रआव रावबै गैयैनि खाबुखौ लानानै
सिखावआ हाबफैना सनानि गहेना आरो नोगोद
धोनखौ खावनानै लादों। आथिखालाव
जयपुरनि थागिरि बन्धन रायआ गावनि
न'निफ्राय सिखावआ सनानि गहेनाफोरजों
लोगोसेनो गासै 2,80,000 रंखौ खावना लादों
होन्ना दिनै कक्राझार पुलिस थानायाव केस
थिसन्दों। मख'नो (□ 6 बिलाइआव)

खोला भालुकमारि गामियाव खुंगा 4थि रंजालि बैसागु फोर्बो फालिदों



कक्राझार, 22 एप्रिल: गोदान बोसोर सोलिफु बैसाग दाननि
थानाय 1 अक्ट एबा 15 एप्रिलनिफ्राय दुलायय राइज्योनाडै दफ्रोमबो
बर' गामिफोराव थाद'नाय गैयै बर'फोरनि आंगो रंजाथाइ फोर्बो
रंजालि बैसागुखौ बायदि बायदि हाबाफारिनि गेजेरजों खुंबोगासिनो
थानाय बादिनो कक्राझार जिल्लानि सिडाव थानाय खोला

भालुकमारि गामियावबो बैसागु फोर्बोखौ गाजा-गोमजायै फालिदों।
सिगां बोसोफोराव खुंबोनाय बादिनो 20 एप्रिलखालि खुंगा 4थि
खोला भालुकमारि रंजालि बैसागु फोर्बोखौ गामिनिनो ब्रह्म
मन्दिरआव बायदि बायदि हाबाफारिनि गेजेरजों खुंफुनाय जादों।
रंजालि बैसागु फोर्बो फालिनायनि गिबि हाबाफारि बादियै बैसागु
फालिथाइनि गाहाइ लांगोना एबा हाबग्रा गेटखौ बेखेवनानै होयो
खोला भालुकमारि गामिनिनो (□ 6 बिलाइआव)

साहित्य अकाडेमि बान्था मोनगिरि रुंसारि लक्ष्मीनाथ ब्रह्मखौ जोबथा बिदाय होबाय जिउ गैयै गोथै देहाखौ बासुगाव-सालाकाटि-कालिफुखुरिआव दैथिंदों

सालाकाटि, 22 एप्रिल:
थानाय सानखालि रुंसारि
जालानाय कक्राझार जिल्लानि
सिडाव थानाय सालाकाटि
हालामनि सासे मुंदांखा
सोलोंथाइगिरि, थुनलाइगिरि
आरो साहित्य अकाडेमि बान्था
मोनगिरि लक्ष्मीनाथ ब्रह्मनि
गोथै देहाखौ दिनै गावनि आंगो
गामिनि न'आव धोरोमनि
नेमखान्थि बादियै जोबथा
बिदाय होनाय जाबाय। जोबथा
बिदाय होनायनि सिगां रुंसारि
लक्ष्मीनाथ ब्रह्मनि जिउ गैयै
गोथै देहाखौ दिनै फुंबिलि



समाव सालाकाटि हरिगावआव
थानाय गावनि न'निफ्राय
सालाकाटि गुदि बर' थुनलाइ
आफाद भवन, सालाकाटि

जुनियर कलेज जानानै बासुगाव
गुदि बर' थुनलाइ आफादनि
मावखुलि, बासुगाव गोजीसिन
गेजेर फरायसालि, बासुगाव

फरायसालिमा, सातबिन्दो-
हरिगावआव थानाय सालाकाटि
स्पटर्स प्रमटार्स ससाइटि
मावखुलि, देमु एमइ स्कुल,

कालिफुखुरि इउनाइटेड क्लाब,
कालिफुखुरि हाइ स्कुल, जरेगाव
गोजी फरायसालि, जरेगाव
किरन संघ बायदि गुबुन गुबुन

जायगायाव लानानै गिदिनाय
जादों। जोबथायाव बर'नि गुबुन
गुबुन माहारियारि आफादफोरनि
दैदेनगिरिफोरजों लोगोसे
ओन्सोलनि गुबुन गुबुन
समाजआरि आफाद गौथुमनि
दैदेनगिरिफोर, ओन्सोलनि
मेलेमजिबि, सानसुमै आरो
बिर्थानि लोगोफोरनि मान
बाउफैनायजों रुंसारि लक्ष्मीनाथ
ब्रह्मखौ जोबथा बिदाय होनाय
जायो।

मख'नाय जायोदि,
सालाकाटि हरिगाव गामिनि
(□ 6 बिलाइआव)

टाटा मटर्सआ फैगौ 1 मेनिफ्राय गासैबो गारिनि बेसेनखौ बांहोसिगोन



गुवाहाटी, 22 एप्रिल: टाटा मटर्सआ 2025 माइथायनि 1 मेनिफ्राय
दावबायारि गारिनि बेसेनखौ बांहोनायनि बाश्त्राखौ सुलुडव फोसावना
होबाय। लान्थियै दिहुन्थायनि बाहायनाय बेसेन बांनयनि थाखाय
टाटा मटर्सआ बेसेनखौ बांहोनायनि थांखि लादों। गोथां मुवा-
बेसादनि बेसेन बांनय, जगायथायनि जेना आरो गुबुन गुबुन रांखान्थि
जाहोनाव बे थांखिखौ आजावना लादों होन्ना कम्पानीनिफ्राय
फोसावनाय जादों। बेनि (□ 6 बिलाइआव)

सुजुगिरिनि खोलोम

गोबां आबाद दिहुस्थायाव
हान्था-मेलानिबो राहा थानांगौ

राइजो जानायाव बयहाबो गावनि फासैं थि आरो आबुं जानायखौं हास्थायो। हास्थायनाय लुबैंनायनि गुदियावनो दं थांना थानायनि थागिदा, न'खरखौं माय-दै, रां-रुपाजों ग्रोम ग्रोम खालामनानै न'खराव बिजि-फिसा उयुन जोलैंफोरनो थांना थानायनि लामा बेखेवनानै होलांनायनि थांखि। आबाद गाहाय हादतनि साफ्रोम आबादारिफ्रा न'खरखौं माय-दै, रां-रुपाजों ग्रोम-ग्रोम खालामनानै रांखान्थियारि बिथिडैं गेरेमसा दानो हानायनि गुदियावनो दं आबाद मावनाय आरो दिखानायाव मोन्नांगौ बाइदिसिना खाबु आरो राहा। आबाद दिखानायाव मोन्नांगौ राहा आरो खाबुफोरखौं मोनफुंनो हायोब्लासो आबादारिफ्रा गोबां आबाद दिहुन्नायाव मखंजाथाव मावफारि लानो हागोन। जोनि आबादारिफ्रा गुबैयै बाइदि बिथिनिफ्राय खाबु मोन्नाखौं। मोनरोडैयाव आधिकालनि थासारि आरो आबहावयाजों गोरोबनानै आबाद दिखानो आरो मावनो हायाखै। गोनोखोयारि आदोबजों गोबां दिहुनथाय आरो बाडाय हायावनो आबाद दिखानानै मावना जानायाव गोब्राब हेंथा लाबोदों।

आबादयानो थांना थानायनि गुदि राहा आरो गाहाय दिहुनथायब्लाबो आबाद दिखानायनि बागैं आबादारिफोरनो थि समाव गोगो जोलैं बेगर जगायनाय, दै सारनायनि राहा होनाय, मुलि दावालि हासार जगायनानै होनायनि थि खालामनो हायोब्लासो आबादारिफ्रा आबाद दिहुन्नायाव मखंजाथाव बिहोमा लाबोनो हागोन होन्नानै सान्नो हागौ। सरकार बिथिनिफ्राय थि समाव थि राहा लायोब्लासो आबादनि गेजेरजोंबो आधिकालाव थांना थानायनि राहा जगायनो हायो होन्नाय मोन्थोरा मोकथां महर मोन्नो हागौ। आबादनि सायावनो अराय सम सोनारनानै थाग्रा आबादारिफ्रा गोगो आरो गोबां आबाद दिहुनथाय दिखानो हायोब्लासो गाव हासिं थांनानै थानायजों लोगोसे हादतनि फासैंबो मदत जगायनो खाबु मोनगोन।

बोथोर मोनसेयाव दैज्लांनि माय आबादल'जों न'खर फोलोमनायनि मिजिं खालामनांगौया गोब्राब। बे बिथिडैंनो माय आबादजों लोगोसे दैज्लांनि दैज्लां मेसेंनि मेसें बाइदिसिना मैगं-थाइंगं, फिथाय-सामथायजों लोगोसे सबाय, बेसर, फाथो रोखोम रोखोम आबाद मावनाय आरो दिखानायाव सरकारि बिथिनिफ्राय लानो गोनां राहाफोरखौं आबादारिफोरनो जगायनानै, बोसोन, सुबुरुन होनायनि मावफारिफोरखौं बिकानारि मावफारियानि गेजेरजों होनायनि राहा खालामनांगौ। बाइदिसिना आबादनि फासैं जेबो रोखोमनि रोंग'थि गैयै आबादारिफोरनो बोसोन सुबुरुन होनायजों लोगोसे आबाद दिखानायाव नांगौ जानायफोरखौं गुबुन राइजोफ्राव आबादारिफोरनो बाडाय बेसेनै मोनफुंनो होनाय बादि जगायनायनि राहा लानांगौ लोगोसे आबादारिफोरनो जगायनाय मुवाफ्रा थि समनि गेजेराव मोनफुंनो हानाय बादियै जानांगौ।

दिनैनि फान्जामुथि

राशि बाइदियै मुंनि गिबि हांखो

मेघ : अ ल
कर्कट : ड ह
तुला : त र
मकर : ख ज

बुध : ऊ ब (उ ए इ)
सिंह : म ट
वृश्चिक : ब न
कुम्भ : ग श (स)

मिथुन : क छ (ड घ)
कन्या : प ट (ण ष)
धनु : ध भ (ढ़ फ)
मीन : द च (ख ज झ)

मेघ:

मेघ: सोरनिबा अनन्नायाव माबाफोर रादाय मोन्नो हागौ। गोसोखौं गोजोन मोनगोन। मोजां सान।

बृष:

बृष: मोजां फोबौनि समाव रंजा-बाजा खालामनो हागोन। गोजोनै सम बारहोनो हागोन।

मिथुन:

मिथुन: मानिबा थाखाय रगा जौनाया सोमजिनो हागौ। गोसोखौं हमथानांगोन। थासारिया जोबनाय नडा।

कर्कट:

कर्कट: बे राशिन थारखाय अशुभ सान। गोथार खामानिखौं मावनो नाडा। गोसोखौं हमथा।

सिंह:

सिंह: गुबुनफोरनिफ्राय मोनसेबो हेफाजाब मोन्नाय नडा। गोसो हमथानानै थानांगोन।

कन्या:

कन्या: दावराव-दावसि जानायनिफ्राय गोजानाव थानाय गाहाम। जेंनायाव गोग्लैनो हागौ।

तुला:

तुला: माखौंबा लानानै बिग्रायखानाय, दावराव-दावसि जानो हागौ। गोसोखौं हमथा।

वृश्चिक:

वृश्चिक: मोजां रोंग'थिनि थाखाय मान मोन्नो हागोन। बयजोंबो बाख्याय जानो मोनगोन।

धनु:

धनु: जेखि जाया शुभ खामानि मावनानै लानो हागोन। बे राशिन थाखाय मोजां सान।

मकर:

मकर: माबा मोनसे मोन्नायनि सुजुग-सुबिधा मोन्नो हागोन। गोजोन मोनगोन। मोजां सान।

कुम्भ:

कुम्भ: जेखि मावा बेफार फालांगियाव मुलाम्फा मोन्नो हागोन। मोजां सान।

मीन:

मीन: मानिबा खामानिनि थाखाय हेंथा एबा अजद मोन्नो हागौ। सान्नाया जाफुनाय नडा।

तेजपुर मुलुग सोलोंसालिआ मान गोनां एएनआरएफ-पेयार अनसुंथाइ मोननो
हादोंतेजपुर मुलुग सोलोंसालिआ मान गोनां एएनआरएफ-पेयार अनसुंथाइ मोननो हादों

तेजपुर, 22 एप्रिल : तेजपुर मुलुगसोलोंसालिया अनुसान्धन नेशनेल रिसार्च फाउन्डेसन (एएनआरएफ) नि सिडव मोनसे अनसुंथाइ मोननो हादों। एएनआरएफनि सिडव मुलुगसोलोंसालिया एक्सेलेरेटेड इन'भेसन एन्डरिसार्च (पेयार) अनसुंथाइनि थाखाय पार्टनारसिप मोननो हादों। एएनआरएफखौं भारत सरकारा हादरनि मुलुगसोलोंसालिफोर, फरायसालिमाफोर, बिजिरसं फसंथानफोर आरो आर एन्ड डी नायसंसालिफोराव मोनसे मोजां

बिजिरसं आरो गोदान दिहुनथाइ सोरबिथिं खान्थि गायसन्नो गायसननाय जादों। पेयार अनसुंथाइनि थांखिया जरखायै

आइएमडिआ हादरनि माखासे
राइज्योफोराव रेड, येल' एलार्ट फोसावदों

गोदान दिल्ली, 22 एप्रिल: हादरनाडै बोथोरआ गोखैयै सोलायगासिनो दड। एप्रिल दानआवनो मे दान बायदि बिदुखौं मोन्दांथिदों। बोथोर बिफानआ आथिखालाव दिल्ली आरो राजस्तानआव दुंखावगोननि एलार्ट फोसावदों। दिल्ली-एनसिआरजों लोगोसे हादरनाडै बोथोरनि थाखाय गोदान आपडेट फोसावदों। आइएमडिनि बादिब्ला, गाबोन आलादा-आलादा रइज्योफोराव बोथोरनि बिदुडा आलादा-आलादा जागोन। सा आरो सोनाब भारतआव सहायनो हायै गरम आरो दुंखावनायैनो थानो

हागौ, अदेबानि सा-सान्जा आरो खोला रइज्योआव अखा हानानै सुग्लायनो हागौ। दिल्ली एनसिआरआव दिनै बोथोरआ जोबोद गरमै थागोन। मेक्सिमाम बिदुडा 41 निफ्राय 43 डिग्री सेल्सियास आरो मिनिमाम बिदुज 24-26 डिग्री सेल्सियासनि गेजेराव थानो हागौ। रजस्तानआव सहायनो हायै गरम जागोन। मेक्सिमाम बिदुडा 43-46 डिग्री सेल्सियाससिम सौहैनो हागौ, जर'खायै जेसलमेर, बाडमेर आरो बिकानेर बायदि ओन्सोलाव। मिनिमाम बिदुज 28-30 डिग्री सेल्सियासआव

थानो हागौ। बोथोर बिफानआ दुंखावगोननि थाखाय गोजा एलार्ट फोसावदों। उत्तर प्रदेशआव बोथोरआ सरसन्नायै थागोन। लखनौ आरो खाथिनि ओन्सोलाव बोथोरआ सां आरो गरमै थागोन। जेराव मेक्सिमाम बिदुडा 40-42 डिग्री सेल्सियास आरो मिनिमाम बिदुडा 23-25 डिग्री सेल्सियासआव थानो हागौ। बारनि गोखैथिआ मोनफ्रोम घन्टायाव 10-15 कि:मि: बारगोन। पान्जाब आरो हारियानाआवबो दुंखावनायैनो थागोन। मेक्सिमाम बिदुडा 40-42 डिग्री सेल्सियास आरो मिनिमाम बिदुज 24-26 डिग्री सेल्सियासआव थानो हागौ। मराठवाडा आरो भिदर्भआव एसे अखा हानो हागौ, जायनि थाखाय येल' एलार्ट फोसावनाय जादों। बेनि मेक्सिमाम बिदुज 38-40 डिग्री सेल्सियास आरो मिनिमाम बिदुडा 22-24 डिग्री सेल्सियासआव थागोन।

10 बोसोरनि उन्दैफोराबो सेभिंस आरो एफडि एकाउन्ट खुलिनो हासिगोन

गोदान दिल्ली, 22 एप्रिल: हादरनि मिरुयारि बेंक थामहिनबा रिजार्भ बेंक अफ इन्डियाआ उन्दैफोरनि थाखाय गिदिर थांखि आजावदों। बेंकआ बे थांखिखौं गथ'फोरा रांखान्थियारि बिबानखौं जाहाथे बुजिनो हायो बेनि थाखाय लादों। बेजों लोगोसेनो बिमा-बिफाया उन्दैफोरनो फ्रीडम एबा उदांसि होनायाव जाहाथे गोलैं जायो। थांया 21 एप्रिलआव आरबिआइआ फोसावनाय बादिब्ला, 10 बोसोर एबा बेनि बांसिन बैसोनि गथ'फोय गावनि एकाउन्टखौं गाव गावनो अपोरेट खालामनो हासिगोन। लोगोसे

बेखौं सामलायनोबो हासिगोन। लोगोसेनो बेखौं सामलायनोबो हासिगोन। बे गोदान खान्थिआ हादरनि गासैबो बेंक जेरै फालांगियारि, नख'रारि फाइनान्सिएल फसंथानफोराव गोहोम गोनां जागोन। लोगोसेनो आरबिआइआ गासैबो बेंकफोरनो बेखौंबो बोसोन होदोंदि, रांखान्थिजों लोब्बा गोनां जेंनाफोरखौं खम खालामनायनि थाखाय बेंकफोरा गावनो नेमखान्थि थि खालामनांगोन। बे नेमखान्थिआ जमा आरो रां दिहुन्नायखौं लानानै बानायजानो हागौ। गंफ्रोमबो बेंकनो बेखौं लानानै

गुबुन गुबुन नेमखान्थि बानायनायनि गनायथि होनाय जागोन, जाहाथे इयुनआव जेंना जाया। बेजों लोगोसेनो बेंकआ थि खालामनाय नेमखान्थिआ मोननै थासारिआव गोहोम गोनां जागोन। बिमा-बिफानि गेजेरजों खुलिनाय एकाउन्ट एबा गथ'आ

गावनो खुलिनाय मोननैयावबो नेमखान्थिआ गोहोम गोनां जासिगोन। आरबिआइआ फोसावनाय बादिब्ला, गोदान नेमखान्थिआ जुलाइ 2025 निफ्राय गासैबो बेंकआव गोहोम गोनां जागोन। बेनिखायनो सिगांनिफ्रायनो थियारिखौं

दाहदनि एनटिपिसि सलार प्लान्ट गुदामआव अर खामदों

दाहद, 22 एप्रिल : गुजरातनि दाहदनिफ्राय गिखंथाव आरो खामनाय जाथायनि खौरां मोन्दों। दाहदआव सेन्ट्रल पाब्लिक एनटिपिसिनि बानायगासिनो थानाय 70 मेगावाटनि सलार प्लान्टनि मुवाफोरखौं दोन्नाय गुदामआव अर खामो। बिबानगिरिफोरा बेनि खौरां होदों। समबार मोनानि 7:30 रिगासोआव भाटिवाड़ा गामिनि गुडामआव बे अरा खामो। अदेबानि बेयाव रवनिबो जिउ गोमानायनि खौरां मोन्नाय जायाखै। एसपि जगदिश

भन्डारीआ फोरमायदोंदि, भाटिवाड़ा गामिनि एनटिपिसिनि सलार प्लान्टनि थाखाय मुवा-बेसाद दोन्नाय गुडामआव अर नांना गुडामआ

आबुडै हाथाफला जायो। बेयाव थानाय सा 8 मावफारिया आरो सा 4 सिकि उरिटि गार्डफोरखौं रैखाथियै बायजोआव दिहुन्नो

हादों आरो रावबो बेयाव जोखोम जायाखै। हरसेमानि गोबां नाजानायनि गेजेरजों अरखौं मंगलबार फुंसिमाव आबुडै लुखोमोरनो हायो।? बे अर खामनायखौं लुखोमोरनो दाहद, ढालद, छटा उदयपुर आरो गधरानिफ्राय अर लुखोमोस्रा गारि लेंहरनानै अरखौं लुखोमोरनाय जादोंमोन। नाथाय बारआ गोखै बारबाय थानायनि जाहोनाव गोबां जेंनाबो जानांदोंमोन उनाव मंगलबारसिमाव अरखौं लुखोमोरनो हायो।

मुलुगसोलोंसालि आरो गं 3 र ा य ज ओ ा रि मुलुगसोलोंसालिफोरखौं ज' खालामनाय जादों। पान्जाबनि सेन्ट्रल मुलुगसोलोंसालिजों लोगोसे तेजपुर मिरुआरि मुलुगसोलोंसालिखौं मोनसे 'स्पक' फसंथान महरै सायख'नाय जादों। जवाहरलाल नेहरु मुलुगसोलोंसालिखौं हाब फसंथान महरै सायख'नाय जादों। बे गिबि हान्जानि गुबुन फसंथानफोरनि मादाव बेरहामपुर मुलुगसोलोंसालि, कटन मुलुगसोलोंसालि आरो दिल्ली फार्मास्युटिकल साइन्स एन्ड रिसार्च मुलुगसोलोंसालिबो दं। तेजपुर

मुलुगसोलोंसालिनि जाफुंसार थांखिया बिगियान आरो इन्जिनियारिनि सिडव गुबुन गुबुन आयदाफोराव गोसारनाय गोदानथार बिजिरसं हाबाफारिफोरखौं दिन्थिफुंदों, जाय जौगा मुवाफोर आरो सिन्थेटिक जिउ बिगियान आरो आबहावायारि दिदोमथिनि मोनथाम आयदायारि बिजिरसं आयदाफोराव मिरु खालामदों। बे गुवार थांखिनि जौगानायाव मुलुगसोलोंसालिनि 14 बिफानफोराव मोनसे हेफाजाबारि नाजानाय जेराव सा 58 फोरोंगिरिफोरनि साग्रां बाहागो लानाय दंमोन, जाय हान्जानि गोबां गोरोबलायनाय आरो रादाय होनायखौं दिन्थियो।

स्पेस स्टेसनआव भारतीय अखांमा
दावबायारि शुभान्शु शुक्लाआ थांफागोन

गोदान दिल्ली, 22 एप्रिल: भारतयारि अखांमा दावबायारि शुभान्शु शुक्राआ फैगो दानआव एक्सिअम-4 मिसननि गेजेरजों इन्टरनेसेनल स्पेस स्टेसनआव थांगोन, जेराव बिथाडा 14 सान थागोन। बे समाव आबाद मावनाय आरो अखांमायाव वाटर बियार एबा टाडिग्रेडसनि सायावबो संदानगोन। बिथाडा आइएसएसआव थांनानयनि खाबु मोन्नायनि गिबिसिनि भारतयारि जागोन। राकेश शर्माआ 1984 आव सभियेत इडनियननि सयुज अखांमा यानजों अखांमायाव थांदोंमोन। राकेश शर्माआ भारतनि गिबिसिनि अखांमा दावबायारि। भारतयारि अखांमा संदानग्रा आफाद ('इसर'), आमेरिकान अखांमा एजेन्सि (नासा) आरो इउरपियान अखांमा एजेन्सि (इएसए) नि मददजों फैगौ मे दाननि जोबनायथिं थि

खालामनाय बादियै एक्सिअम-4 (एक्स-4) खौं लन्च खालामगोन। बे मिसनआव आमेरिका, हांगेरि आरो पलेन्डनि अखांमा दावबायारिफोराबो थांगोन। नासा आरो बायसर्भ स्पेस टेक्नलजीसनि मददजों इसर'नि अखांमायाव सालादनि बेगरफोरखौं गाजा बेखोनायनि थांखिजों माइक्रग्रे भेटीआव फसलनि बेगरफोरखौं गायनाय आरो जौगाहोनायनि आन्जाद नायनाय जागोन। मिसननि

समाव अखांमा दावबायारिआ टाडिग्रेट्स एबा वाटर बियारनि सायावबो नायबिजिसोन। वाटर बियारआ फिसा जिब आरो गोब्राब थासारियावबो थांनानै थानो हानाय गावनि गोहोनि थाखाय मिथिजायो। टाडिग्रेट्सआ 60 कौटि बोसोरनिफ्रायनो बुहुमाव दड। आइएसएसआव टाडिग्रेट्सनि गुबै थांनानै थानायनि जाहोन आरो जोनोम होनाय गोहोखौं आन्जाद नायनाय जागोन। अखांमा दावबायारि माइक्रग्रे भेटिआव इलेक्ट्रनिक डिसप्लेखौंबो आन्जाद नायगोन। बेनि थांखिआ अखांमायाव कम्पिउटर स्क्रीननि बाहायनायनि गोहोमफोरखौं गुवारे बुजिनाय। बे संदान्नायनिफ्राय मिथिनो मोनगोनदि, माइक्रग्रे भेटिआव इसारा खालामनाय आरो गोखै मेगनखौं फिदिं-फिदा इसारा खालामनाया माबोरै गोहोम गोग्लैयो।

AFFIDAVIT

I, Tina Narzary aged about 31 years, W/O Bibungti Narzary & D/O Risov Daimary (father), a resident of Village Bairali P.O. Bairali P.S. Kachugaon in the Dist. Kokrajhar, BTR, Assam do hereby solemnly affirm and declare as follows:

1. That, I am a citizen of India by birth.

2. That, my actual and correct name and surname/ title along with home address **Tina Narzary** W/o Bibungti Narzary a resident of Village Bairali P.O. Bairali P.S. Kachugaon in the Dist. Kokrajhar, BTR, Assam and same has been recorded in my AGVB, Kachugaon Branch vide Account No. 7136010015905.

3. That, due to bonafide mistake my surname and address has been wrongly recorded in my Pan card vide No. HCYPD8161C as **Tina Daimary** and Aadhaar card vide No. 9353-5596-8350 as **Tina Daimary** of Village New Panbari P.O. Panbari FV instead of **Tina Narzary** of Village Bairali P.O. Bairali P.S. Kachugaon in the Dist. Kokrajhar, BTR, Assam.

4. That, **Tina Narzary** and **Tina Daimary** is the same and one identical person i.e. myself.

5. That, this affidavit is made to produce before the concerning authority to prove the above mentioned facts and for doing needful purposes.

All the contents of this Affidavit are true to the best of my knowledge, belief and information.

बक 'आव 113थि बोसोरारि सुवारि बिहु फोर्बो फालिदों

बक, 22 एप्रिल : कामरुप जिल्लानि बक 'नि सिङव थानाय सुवारी फोथाराव उनमो-थाइजों बुंफबनाय 113थि बोसोरारि सुवारि फोर्बो फालिनाय जादों। बे फोरबोखौ फालिनो थाखाय गुबुन-गुबुन जायगाफोरनिफ्राय रोजा-रोजा सुबुंफोर फैदों। बोसोरारि फोरबोखौ रंगाली बिहु फोरबोनि 7थि सानाव फालिनाय जायो। कामरुप जिल्लानि खोला जोबनायाव थानाय बक 'आ गुबुन-गुबुन थागिबि हारिफोर आरो राभा, बर', गार', गरखा आरो कच राजबंसि बायदि हारियारि हान्जाफोरजों लोगोसे गुबुन हारि आरो हारिफोरनि सुबुंफोरजों थाग्रा मोनसे जायगा। 'सुवारी'आ बे बायदि रोखोमनि सि-जोमनि धोनि टेपेस्ट्रीखौ दिन्थिनो आरो फोसावनो मोनसे नाजानाय जेराव



बिसोर हा हारिमुआरि उनमोनथाइनि बेलायाव मोनफ्रोमनिबो गाव-गावनि जुनिया आखु थाइ दं। गुबुनफोरनि गेजेराव 'हाना घरा', 'पार' बाह' आरो गोसो बोनो हानाय दोरोडारि गेलेमुफोरा बे फोरबोनि समाव गाहाइ गोसो बोनो हाग्रा थावनि। फोरबो खुगिरि गौरंगा चौधुरीअ 'हाना घ'रा 'नि सोमोदै बुंदोंदि, इसोर सिभाया

गावनि बिसिनि गोथे सह 'जों दावबायनाय समाव बे ओनसोलाव हानास (गार') सुबुंफोरखौ लोगो मोनदोंमोन। इसोर शिवजों लोगोसे मोदायजो कालीआबो गराय

दाब्रायनानै बे ओनसोलाव फैदोंमोन। बिथानि थानायनि उनाव हानास (गार')आ औवाजों गराय बानायदों। गोबाव समनि उनाव बे गरायआ हाना घ 'रा मोसानाय मुडैमुंदांखा जादों आरो राभा-कचारीआबो बे मोसानायखौ दिन्थिफुंदोंमोन। बे मोसानाय समाव 'क'डल' (खदाल) आरो ड्रमखौ बाहायनाय जायो। मोसानायखौ दिन्थिफुंनयनि सिगां बिसोरो मोदायजोफोरनाव आरज गाबो आरो जरासे दाव, जौ, दावदै, सेन्दुर, बेसरनि थाव बायदि जासियो। बिथाङ 'पार' बाह 'नि बागैंबो गुवारै फोरमायदों आरो बुंदोंदि, 'पार' बाह'आ हाना घ 'रानि बिनानावमोन। बिथांजोआ गामिनि गासैंबो थाग्रा खुलिफोराव थानायनि सिगां आरज गाबदोंमोन। 'पार' बाहखौ मोनसे गोलाव थोंगेर जाति बाह (औवा) जों बानायनाय जायो आरो गोजा आरो गुफुर सिजों खोबथेनाय जायो, जेराव मोदोमखौ गोसोम, गुफुर आरो गोथां सिजों खोबथेनाय जायो।

मणिपुर पुलिसआ 36 घन्टानि गेजेराव साब्रै प्रिप्राक केडारफोरखौ ग्रेप्टार खालामदों इम्फल, 22 एप्रिल : मणिपुर पुलिस आरो मिरुयारि रैखाथि हान्जाफोरनि मोनसे जुथाइ हान्जाया मणिपुरनि सान्जा इम्फल जिल्लायाव थानाय 36 घन्टानि गेजेराव आलादा-आलादा अपारेशनफोराव सासे आइजो आरो मणिपुरनि पिपुल्स रिभल्युशनारि पार्टी अफ कालेइपाक (प्रेपाक) नि साथाम केडारफोरखौ ग्रेप्टार खालामदों। मणिपुराव फुंनि समाव बुलेटिनआव मिबथिहोनाय जादोंदि, सांग्रां प्रे पात सोद्रोमाफोरखौ सान्जा इम्फल जिल्लानि सागलमां पुलिस थानानि सिङव थानाय नागखायत एडभेन्चर खारकनिफ्राय ग्रेप्टार खालामनाय जादों। बिसोरखौ नंथामबन माइनगौ सिंह (33), नंथामबम महन सिंह (45) आरो

खृष्टान धोरोमगुरु पप फ्रान्सिसआ रुंसारि जाबाय



लोगोसे केथलिक समाजनि साफ्रोमनिसिमबो गावनि दुखुखौ मख'यो। पप फ्रान्सिसखौ मुलुगआव लाख-लाख सुबुंफोरा जेब्लायबो, अनख', गुरै-नोजोर आखुनि आरो धोरोमगुरु महरै गोसोखांगोन। बिथाङ उन्दै बै सोनिफ्रायनो प्रभु इसा मसिहानि बोसोनफोरखौ मोगथां महर होनायाव गावखौ बाउसोमदोंमोन। बिथाङा निखाडरि आरको नासयजानाय उन जानानै थालांनाय सुबुं हारिखौ सिबिदों। जायफोरा खेफोदआव गोगलैदोंमोन बिसोरनि थाखाय आर'ज आरो मिजिं सानसि लाखिदों। फ्रान्सनि हादतगिरि इमानुएल

मणिपुर पुलिसआ 36 घन्टानि गेजेराव साब्रै प्रिप्राक केडारफोरखौ ग्रेप्टार खालामदों



केइशाम सना लेइमा तमफसाना लिंजेल (40) मुडै सिनायथिनाय जादों। बिसोरखौ जायगायानो सोंथि खालामना आरोबाव मोनसे अपारेशनखौ सालायो आरो बेव आरोबाव सासे प्रिप्राक केडार एवा खुन्झकपाम कथ सिंह (22) खौ

सान्जा इम्फल जिल्लायाव गोबां हाथियार बोखांनो मोन्दों

इम्फल, 22 एप्रिल: भारतनि रैखाथि हान्जा आरो मनिपुर पुलिसआ मोनसे अरायथा नडै हा सिंनि केम्पखौ संसन्दों आरो समबारखालि सान्जा इम्फल जिल्लायाव सिप्रोमनाय आरो ओन्सोलारि अपारेशननि समाव गं 5 अर सावग्रा हाथियार, टेलिकमिउनिकेसन जोन्थोर, गुलि-बारुद, कारतुस आरो दावहानि मुवाफोर फानग्रा गलाफोरखौ सिनायथिदों। गुबुन गुबुन फुंखाफोरनिफ्राय संगालि खोरांखौ बिथा खालामनानै जुथाय हान्जाआ सान्जा इम्फल

बिसोरनिफ्राय गंसे 32 पिस्टल, मोनबा राउन्डनि मोनसे मेगजिन, गं 6 मबालि हेन्डसेट, मोनसे गोसोम गाबनि जानजिआव खाग्रा बेल्ट आरो गंनै साखा खबनै गारिफोरखौ बोखांनो हादों।



जिल्लानि इरिखुं पुलिस थानानि सिङव टिबि फाहामसालि खाथिनि केइरां वांखेम गामिनि तलहाटीआव अपारेसनखौ जागायो। अदेबानि बैयाव थानायफोरा आइनारि एजेन्सिनि

इउएनएलएफ-पिनि सासे केडारआ हरखाब गुलि नांना जिउ गोमादों



खालामगासिनो आरो भारत सरकारजों गोजोन

एप्रिलखालि सासे लोगो के डारनि गोरोन्थियै गुलि गावफलांनायाव जोखोम जायो आरो उनाव जिउ गोमायो। आफादनि सुबुं फोनांजाब आरो सोलोंथाइ बिफाननि बिथोनगिरि चराइरंबा थकचमआ मोनसे प्रेस फोसावदिंआव बे खौरांखौ मिबथिहोयो। पाम्बेइजों दैदेनजानाय इउएनएलएफ/एमपिआ गावनि केडाल नाअरेम

आमेरिकाजों गोरोबथा खालामोब्ला बिजाउनआ मोजां जानाय नङा: चीन

गोदान दिल्ली, 22 एप्रिल: चीनआ आमेरिकाजों ट्रेड डील मुंसाइ खालामग्रा हादरफोरखौ सांग्रांथि होदों। चीननि बादिब्ला, बेबादि गोरोबथाजों बेइजिंआ खहा जानो हागौ। मुलुगनि बयनिखुइबो देरसिन रांखान्थि राहा गोनां दस्नै हादरफोरनि गेजेराव टेरिफ दावहाआव बिसोरनि दान्थे-बिदान्थेआ गोखोंसिन जाबोदों। चीनआ एरैबादि समाव हुमखि होदों, जाय समाव आमेरिकाजों टेरिफनि सायाव सावरायनो माखासे हादरफोरा दाबि खालामदों, जाहाथे चीनजों फालांगि खालामनायखौ होबथानो हायो। आमेरिकानि हादरगिरि डनाल्ड ट्रम्पआ मुलुगनि गुबुन हादरफोरनि सायाव 10 जौखोन्दो टेरिफ जाबसिन्दों आरो टेरिफनि गेजेरजों चीनआ माखासे दिहुन्थायपोरनि सायाव 145 जौखोन्दोसिम टेक्स होनांनो हागौ। बेइजिंआबो आमेरिकानि मुवाफोरनि सायाव 125 जौखोन्दो टेक्स जाबसिन्नानै बेनि फिन्नाय होदों। समबारखालि चीननि फालांगि मावख 'आ बुंदोंदि, बेयो आमेरिकाजों फालांगियारि रांखांथि रादाइ खाग्रा गुबुन हादरफोरखौ गोखोडै अजद होयो, जायफोरा गावनि हितफोरजों गोरोबथा खालामो। बेइजिंनि फालांगियारि



मावख 'नि बुंथिगिरिआ मोनसे फिन्नायाव बुंदोंदि, नारसिन्नानै

होनायजों गोजोन फैया आरो गोरोबथाखौ मान होनाय जानाय नङा। बेबादि माबाफोर गोरोबथा खालामोब्ला चीनआ बेखौ माब्लाबाबो गनायथिनाय नङा आरो बेनि हेंथायै गावनि आखुजों गोक्रों फिन्नाय होगोन। बेनि ओंथिआ जादों चीनआबो आमेरिकाया लानाय थांखि बादिनो थांखि आजावगोन।

इसर'आ नैथि खेब सेटेलाइटनि डकिंआव जाफुंसार जाबाय

बेंगलुरु, 22 एप्रिल: इसर'आ सेटेलाइटफोरखौ नैथि खेब डकिं खालामनानै फिन जाफुंसारनायनि जारिमिन सोरजिदों। बेराफासँ मुलुगनि बांसिन हादरफोरानो खेबसेबो डकिं खालामनायाव जाफुंसारनो हायाखै। भारतनि अखांमा एजेन्सिआ स्पेडेक्स मिसननि गेजेरजों नैथि खेब डकिं खालामनायाव झाफुंसारनानै बे टेक्निकआव भारतआ गावनि आलादा जायगा आवग्रिनो हाबाय। बे डकिं टेक्निकखौ हादरआवनो जौगाखां होदों आरो बेखौ भारतीय डकिं सिस्टेम मुं



दोन्नाय जादों। मिरुनि बिगियान एबा गोनोखो आरो अखांमा राइज्यो मन्थि जितेन्द्र सिंआ समबारआव बे जाफुंसारनायनि थाखाय इसर'नो हामलायथि होदों। भारतनि सिगां 16 जानुवारिआव गंनै सेटेलाइट चेजार आरो

टगेंटखौ सरजाबनानै गिबि खेब डकिं प्रसेसखौ आबुं खालामदोंमोन। बे जाफुंसारनायखौ मोन्नो हानाय भारतआ मुलुगनि ब्रैथि हादर जानो हादों। भारतनि सिगां आमेरिका, रसिया आरो चीनआ डकिं खालामनायाव जाफुंसार जादोंमोन। भारतआ थानाय 13 मार्चआव आनडकिं प्रसेसखौबो जाफुंसार महरै आबुं खालामदोंमोन। मिरु मन्थि जितेन्द्र सिंआ एक्सआव पस्ट खालामनानै बुंदोंदि, हादरआ नैथि खेब सेटेलाइटफोरनि डकिं खालामनायाव जाफुंसार जानो हादों। पिएसएलभि-सि 60/स्पेस डकिं एक्सपेरिमेन्ट (स्पेडेक्स) मिसनआ 30 डिसेम्बर, 2024 आव लन्व खालामजादोंमोन। बेनि उनाव सेटेलाइटफोरखौ डक आरो आनडक खालामदोंमोन।

অসম পাবলিক সেৱা আয়োগ
ASSAM PUBLIC SERVICE COMMISSION
Jawaharnagar, Khanapara, Guwahati-781022.

No. 101PSC/CON/Exam-14/2024-2025
Dated Guwahati the 22nd April, 2025

NOTIFICATION

The Assam Public Service Commission has shortlisted the following candidates for document verification in connection with the recruitment to the post of Junior Engineer (Mechanical) under joint cadre of Public Works Roads Department and Public Works (Building & NH) Department (Advt. No. 10/2024 Dtd. 03/05/2024), Screening Test of which was conducted by the Commission on 22/12/2024.

The date(s) of document verification will be notified shortly. Roll Number of candidates called for document verification are stated below (horizontally):

10003	10047	10053	10054	10068	10081	10112	10127	10145	10151
10155	10162	10172	10176	10186	10200	10208	10215	10221	10225
10226	10227	10234	10259	10282	10292	10302	10334	10338	10344
10347	10371	10379	10385	10386	10390	10391	10392	10393	10419
10456	10462	10473	10483	10509	10534	10551	10557	10584	10590
10600	10612	10632	10639	10643	10645	10648	10649	10653	10665
10667	10686	10710	10720	10722	10727	10728	10747	10749	10780
10787	10804	10822	10827	10861	10869	10870	10873	10885	10892
10921	10924	10934	10935	10947	10950	10955	10959	10962	10963
10970	10976	10991	11019	11043	11050	11060	11062	11075	11080
11095	11098	11106	11131	11144	11151	11190	11212	11213	11218
11245	11246	11248	11258	11269	11272	11278	11282	11352	11355
11362	11392	11393	11403	11410	11414	11417	11419	11426	11441
11470	11522	11583	11592	11609	11618	11620	11621	11624	11639
11688	11705	11714	11734	11743	11752	11756	11759	11776	11779
11780	11790	11800	11815	11857	11869	11876	11880	11886	11891
11894	11902	11918	11928	11929	11941	11957	11977	11998	12004
12005	12013	12036	12078	12079	12082	12093	12117	12132	12134
12141	12152	12153	12166	12168	12181	12193	12200	12225	12241
12248	12252	12262	12283	12288	12330	12333	12373	12377	12406
12420	12432	12442	12447	12448	12456	12457	12458	12470	12478
12479	12482	12511	12513	12543	12553	12555	12562	12576	12589
12592	12594	12601	12623	12633	12646	12680	12694	12722	12723
12729	12731	12734	12735	12737	12739	12740	12742	12743	12749

N.B.: Notification may be accessed through the APSC's website www.apsc.nic.in.

Principal Controller of Examinations,
Assam Public Service Commission,
Jawaharnagar, Khanapara, Guwahati-22

DIPR /D/BSA1623-Apr-25

सिमांनि अनजालि नॉल 'सै आंनि गोर्बो'आव

बेलारोम जारां साना
सारफावो हाइना जेबोला,
नॉनि फावदुर खावलायाव
लुबैयो गोसोआ आंनि
सब खुदुमनो अनजालि ।
हास्थाय सुला गोसोआ आंनि
अरायबो मोननो लुबैयो
नॉं अनजालिखौ साखाथियाव,
नाथाय मोना नॉं अनजालिखौ
थाखोमायो मानो नॉं गोजानाव ?
सान हर गोसो खाडे
महर मोखां नॉं अनजालिनि
नॉंलाय आंनि सुदेम सिमांआव
बागदावफ्लाडे नाथाय,
गोसोआव सिरि मोनब्ला ।
महर मोखां नॉं रजेनि
स्रोब गोमोर लाडे नॉं
बबावबा गोजोन जायगा लाना ।
लुबैयो गोसोआ आंनि
मोकथां महराव नॉं अनजालिखौ
नाथाय फैयो मानो अनजालि
निजोम हरनि सुदेम सिमांआवल
नुफा माफा मोदायजो जाना
गोमोरलाडे नॉं निजोम हर गेजेराव ?

सन्तष बसुमतारी
ला:सो:- सान्थिपुर, खुंग्रि
जिला-चिरां बि.टि.सि.

मुगै जानायानो आंनोबो.....र

फांसे नड, फांनै नड, फासेल
बिफांनि बिबारनि हायना महरानो
जायो गुबुन गुबन रोखोमनि ।
संसारनि मानसिनि महर मुप्रियाबो
जायो गुबुन गुबुन रोखोमनि ।
आरो समाजयाव मानसिनि जीउ
खांनायाबो जायो सोरबा गरिब,
सोरबा धोनि,
नाथाय, मुगैयो मानो आंनि महर
मुप्ति गैजा रोडैखौ हायना महर
गोनां सुबुं फोरा ?
आरो मानो मुगैयो आंनि गैजा
रोडे न'खरखौ धोनि सुबुड ?
नाथाय मुगै जानाययानो आंनो
बो.....र ।

कृष्ण नार्जारी
ला:सो:-सनापुरी,बासबारी
जिला- कक्राझार बि टि सि आसाम

होनबावनो मा आं

होनबावनो नॉनि सिगांयाव मा आं
मोनथिनो सोर आंनि दाहाखौ दुखुखौ
सानो आं बावगारनो महरखौ नॉनि
मोनो नाथाय होबायनॉं आंखौ दुखुनि मोदै ।
नॉंखौ आं आगौमोन लानो बजबनानै
आंनि नाथाय जिउआव दुखुथिया मानोबा
मोनो आं लाजिनाय मुगैनाय मानो
आंनि मोदैनि थरथिंसे दाहारखौ मानोबा ।
सुरनांडो मानोबा आं सुखु-दुखुनि हांमा
आलारि बाथि अरायसमनि लानानै
गुपुब हान्थु खरायनानै “ बाथै” बोरायनाव
बोर बियो आं आफा “शिब” बोरायनाव ।
गैया गोसो होनो बिसोरखौ थेवबो
सोरनोबा होदों दोन दौलर बिसोरबो
होदों गरिब-गुन्द्रा सोरनिबा नखराव
इसोराबो बेबायदिनो सिनाय मोनला गरिब गुन्द्रा ।
गैयामोन एना-एनि सुबुं माहारि गेजेराव
खौसेयाव थानायमोनब्ला सुबुं माहारिआव
जिउ खोमानांडे सोरबाबा आस'खन्दा,
जानानाय नडमोन थैनि बाना सोरबाबा ।
बुथार जानाय नडमोन सोरबाबा नायगार नायगार
जाथाय गैयामोनब्ला बेफोर बायदि-
गासैबो सुबुंयानो बिदा-फंबाय, बिमा-बिफा
सुख सान्थिडे रायजोजानाय बायदि नखरसेयाव ।
मालायखौ मुगै नाड बेफोरखौ सानानै
सोखारिनो नड, गुबुन हारिखौ
देरगानो नाड गावनि दोन दोलरखौ लानानै
बेफोरजादों दिनै राजा, गाबनि फोरजा ।
गेलेनाय गासैबो इसोरनि माइआसो-
रावबो रावखौ खालाम नाड हेंथा हेसि
मालाइनि जानाय थाखायखौ दुसिनाड
बयबो रावनिनो आंगो बिमा-बिफा ।
रावबो नड, गावनि आंगो असे''-

मुप्ति मोकथां कुमार ब्रह्म
दत्तमा गोजौसिन फरायसाली
गामि - श्यामधरपारा ।

नॉल 'सै आंनि गोसो
गोर्बो'आव अराय सम
अरायदिन, जोबनाय
.नखायामोन आंनि नॉंखौ
थार हास्थायनाया ।
दान्दिसेल' जॉनानै गोमोर
लांफिनबाय नॉं समायना ।
सान्दोंमोन आं नॉंखौ
लानानै जिउ जोबजासिम
आलो गोजोनै अनलायनानै
राइज्यो लाजांनो । खामग्लि
जोब्बाय आंनि गोसोआ
दोहो-दोहो रोमो-रोमोथै
बुंफोरनो हायाखिसै आं
नॉनि सिगाडव बेसेबां
दुखु-दुखुनि हांमा सुरनांदों ।
नुजाफैयो दिनै आंनि बे गोर्बो
बिखायाव नॉं रजेनि मिजिं
मिजि मिनिनाया । निखनवरि
नाथि नडमोन आंनि नॉंखौ
अन्नाय हास्थायनाया ।
जायफ्रा गुबुननि अनलाइनायखौ
नायनो हाया बैफोर सुबुडानो
दिनै जॉनि मोजां मोनलायनायखौ सिफायनानै
आनि-थानि खालामबाय
समायना....
दङ' आं दाबोनो नॉनि
अन्नायखौ नेनानै.....

देरहासार ब्रह्म
गामि-गसाइगाव मालागुरि
जिल्ला- कक्राझार

बुंस हालिया

आंदि नॉंखौ मा बुंनानै रायदाव बावनो
नॉनि बिखायाव,
नॉंखौंदि आंनि गोर्बो गोसोजों
अराय सैथोयै मोजां मोनो ।
आंखौ सोर मिथिनो लाइमोन;
आंनि जीउनि गांनाय उड्खैनायखौ ।
सोरदि फोथाय बावगोन
जौमोन बैसोनि दुखु जाल्लाखौ ।
आंनि मेगननि नोजोराव
नॉंदि दङ जादुगिरि
आंनि जीउनि सोलेराव
नॉं गेलेफैयो ।
जायसो गोसो थोलायदों
बेसो बुजिदों,
जेरावखि थाड नॉनि हायना महरआ
जैरैखि साना नॉनि थाखायल' रजे ।
नॉनि बुंनाय रावआ,
खालामबाय आंखौ फाग्ला,
नॉनि हायना महरा जाहोबाय
आंखौ फाग्ला ।
नॉंखौ सानसे नुडब्ला
गोसोया जायो उसाव बादाव
आजोला जीउआ नॉनि थाखायल'
सानफलांबाय थायो ।
अरायबो नॉंखौल' साखाथियाव
बजबना लानो सानो आं
नॉनि अन्नाय मोनोब्ला
बेसेदि मोजां मोनो आं नॉंखौ
बुंसनो हालिया रजे ।

मुप्ति आनानजिद बसुमतारी
गामि- बांग्लाबारि, ला:सो:- दावलाबारि
जिला- ककराझार बिटिसि आसाम ।

साया माया रजे...

आय' आंनि गोर्बो'आव
साया माया गेलेफैयो
नॉं रजेनि महराल' ।
नुजाफैहां जाखांफैहां
नॉनि रैरु महरालाय
आंनि थायने मेगनाव..... ।
हाबाब रजे नौंलाय.....
जावलिया गोसोखौ
गोजोनलाय होफैबाय ।
नाथाय नुवा आं मोखथाडव
नॉं रजेनि महरखौलाय ।
आंनि गोरबोयावल' मानो
साया माया गेलेफैयो ।
नॉंनो जागोन नामा ?
आंनि साया माया रजेयालाय...

अरजुन बसुमतारी
नायकगाव
ला:सो:- मावथियागाव
जिला- कक्राझार, बैसो-जिबा (15)

रंजालि गथ'फोरनि सौरा

आं गावजोंनो दावहा नाडे

माब्लाबा गोसोआव गोबां सॉलु जाखांफैयो
आंनो मा नांगौ,गावनो बावगारनानै थायो
खायसे बाश्राफोरा अन्थाय जानानै गोसोखौ गिलिर जाहोयो
आं गावखौनो गिनाय मोनो ।
सानफ्रोमबो खुसियाव थानो नाजानायावनो
माब्लाबा गावजों,माब्लाबा थासारिजोंनो
गोनां जायो दावहा नांनो
आरो बेसेबां दावहा नांनो....
माब्लाबा मेंहाबनानै जिरायनानै थानो सानो
आरोबाव फिन गोसोआ आबिर गाब एरखांफिनो
जानो हागौ सुखुनि लामाया बेनो
बिदिनो सहायनो बोलो फैफिनो
जिउनि दावहाथिलियाव दावहा नांनांगोन माब्लाबा गावजोंनो
आरो माब्लाबा थुलुंगागिरिबो जानांगोन गाव हारसिंनो.. ।।

निरमालि बर'
गामि: सावकुसि (लान्दांपारा)
बाक्सा

दैमुनि दैया जेरैबायदि सुदेम

खन्थाइ आवबो सैथोया बेरखाडे
सैथो रावफोराबो खन्थाइ जायो
दैमुनि दैया जेरैबायदि सुदेम
थिग बिदिनो खन्थाइनि बिदैयावबो
थायो गोसो सानस्त्रिनि सुदेमराव ।

सबिराम बर'
राबां, बाक्सा

खोन्दोनै लिमारिक खन्थाइ

गोदो गोदायनिलाय बिहामजो
बुंनोलाय हागौमोन माइनावजो
नाथाय दानिफोरा
माथो आखलसारा
मान होया बिहाव बिखुमजो

गोदो जॉनि संसार जाबोनाय
गैथारामोनथ' नांलाय लायनाय
नाथाय दानि संसार
नुयो लेथेर फेथेर
हिनजावा हौवा नागारना थानाय

-रैदोम बर', बाक्सा

निउसिबाय नों आंखौ

निउसिबाय नों आंखौ
आंदि नॉंखौ बेसे मोजां मोनोमोन
समाय खिरा लाखानाय दंमोन
नों बुंदोंमोन नॉनो आंनि जिउ ।
नाथाइ दिनै नोंजों निउसि
जालांबाय आं
आंदि गोसो गोरबोजों बेसे मोजां मोनोमोन
नॉनि बे अनसुलि महरखौ ।
सान्दोंमोन आं नॉंखौ जुलि लानो
नाथाइ दिनै फैमाल
मोगथाडव जाफुआसै
आंनि बे गोथार जुलिआ ।
सान्दोंमोन आं नॉंखौ लानानै
अराइ गोजोन राइजो जानो
नॉनि बे गोसोआ आंखौ बोदोर खालामबाय
थेवबो आं नॉंखौ बावनो हानाय नडा अन्जालि

श्री दैदेन बरगयारि
गौरां हाइ स्कुल

जिउनि फैमाल

सोरबाया रोंग'थि लानानै
सोरबाया रोडैखौ लानानै
गोरान बरजों ।
सारा मुलुगनि निहोरा रानैयावबो
दुखु दाहानि बालाथा रानख्राव लांबाय ।
गोजौ जोमैनि हांख्राय नायाव
खाफालनि रिफिनाया
बेनिफ्रायनो दिंग्रायनांबाय ।
सिमांबायदि जाबाय बे जिउआ
गोरान बिलाय बायदि सिबथिं जाबाय
सोरनिबा खाफालाव देरहानायनि अखाफोर गावदां-दां
सोरनिबा खाफालाव जेन्नाय आरो रोडैनि लैथो हाब्रां
सोरांथौ-हरथौ गोदान नखोरांखौ नागिरनानै,
गोदान जायख्छॉनि सायायाव
गोजोन सुदेम बारजों ।

मुभी फनि महन इश्लारि
गोजौ जामबुगुरि हाई स्कुल
जिल्ला:-कक्राझार,(बि.टि.सि.)

लाथा खानाय

लाथा खानाय बिखानि
थैसामखौ गलिहोफिननानै
बोफ्लंना दुंद्दुद थै आंनि बिखानि
नों आरोबाव गेलेफिननो नाजाबाय !

अन्थाइ जानाय बरफखौ
थुख्रा थुख्रा सिमफायनानै
नों गर गेलेनो सानबावबाय
बिखाया दा दुरलुब दुरलुब बांग्रि मावदों ।

खबामफोरा उरां फारां
बायाखै दालाइ मोनसेयाव,
आदार होबोलाबो जायाखैसे
आवोल नांनाय सोदोबफोरा खन्थाइ महर लायाखै ।

लाथा खाना थानाय
गोर्बॉनि रावफोरखौ रजे
गोलाव बोसोरनि उनाव नोंनो
आवलिहोनानै फस'रनो नाजादों अन्नायनि फिथिखा ।

गोथै गोसोनि गोथां अन्थाइ
बेरफ्रावनाय अरगॅनि अन्थाइ,
रोसो रोसो खामग्लिखांनानै
खामग्लिदों गोरबोखौ दोरफो दोरफो ।

गलाप खुंगुर बसुमतारी,
कक्राझार ।

अमबासि हर

समनि बाबेननायाव
नाजादोंमोन समायना देरा सोरजि लांनो
नों आरो आंनि ,
दाहा बिदांजों नाखेब जानाय सोलेरखौ गोजोन खालायनो ।
दुंहाव बुहुमाव
सिमां आंनि सिमांयैनो थालांदों ।
फैलाव अखां बिखायाव
दाखा दाखा जौमै ।
बेलारोम बुब्लियाव
सार अन्थाइ बारहुंखा ।
जिउमा आंनि गोरोबनो हाया हाया मोनदों ।
देबोर नांनाय जिउ माया
सम सम आलायसो गोग्लैना थानांदों ।
मिथिंगानि बिफां लाइफां बिबारनि गेवलां गेवथांया,
आलाय आरन जों समाय सारनायबाबो ,
अमबासि हरनि सागोबनायाव
गुबुन महर सोलायदों ।
जिउनि गांसे सानरेब
बेबो दुखुनि अनगा गुबुन महर मोनाखै ।
अमबासि हर आ अमबासियैनै दं
सौफैगोन दाबि आंनि जिउ आव
जोथि सोरां आ ।

सनिया बसुमतारी
गामि: ककिला बनरगाव,
बिस्वनाथ

मोदैनि बाना

आंनि मेगननि मोदैखौ सोर हुगारनो,
गैयामोन आंनि थाखाय गोसोआव रावनिबो
अन्नाय आरो गोसो गोरबोजों मोजां मोन्नाय
सान्दोंमोन आंलाइ बुहुमाव उजिनानै
मानसिनि अन्नायखौ मानसियानो मोनगोन होन्नानै
नाथाय माथो मानसिनि अन्नायखौ मानसिया
मोनालासै गुबुन मासे सैमा बांग्रायासो मोनबाय ।
आं जेब्ला थाखो डाइनआव फरायदोंमोन
अब्ला आं सासे समायना महरगोसा
सिख्लाखौ मोजां मोन्दोंमोन ।
अब्ला आं सिगां खेब अन्नायखौ बिनाव बिदोंमोन
नाथाय, बियो आंनो अन्नायखौ
होदोंमोनबो, आं जेब्ला गोरबो बिखानिफ्राय
अन्नायखौ गोगोमै होदोंमोन अब्ला बियो
बुंदोंमोन आंहा गुबुन सासे दंखायो होन्नानै
अब्ला बियो बुंनाय लोगो आंनि अनगायै
गुबुन सासे सेंग्राजों मोजां मोनलाइदोंमोन ।
नाथाय बिनि साननायाव आंनि गोरबोया थेर बेथेर
गावस्रा लाडे बारजों
उरां फारां सान्नायजों बोदोर बावलि
अब्लानिफ्राय आंनि सान्नाया
फामोला जायो ।

श्री राइदाव कुमार बर'
गामि:- लावखिगुरि

पुतिनआ 3 बोसोरनिफ्राय सोलिनाय दावहारखौ दोन्थ’नायनि बाथा बुंदों

मस्क’, 22 एप्रिल : आमेरिकानि नारसिन्नायाव रसियानि हादतगिरि ब्लाडिमिर पुतिनआ इउक्रेनखौ लानानै इसे रुइदोब जादों। 3 बोसोरनिफ्रायनो सोलिनाय दावहायाव गिबि खेब पुतिनआ इउक्रेनजों थोंजों सावरायनायनि अफाक होदों आरो गावसोर दावहा दोन्थ’नो थियारि होन्ना बुंदों। खौरंनि बायदिब्ला, समबारखालि हादतगिरि पुतिनआ इफक्रे नजों सावरायनायानि अफार होयो आरो सानसेनि थाखाय इस्टार सान्डे आव दावहाखौ



दोन्थ’नायनि उनाव आरो दावहा दोन्थ’नाय समखौ आवगायहोलांनो गनायथियो। जायखि जाया शान्तियारि हाबाफारिनि थाखाय लामाया गेवनानै दं आरो क्वीभनिफ्रायबो बेखौनो आसा

खालामो होन्नाबो पुतिनआ बुडो। फारसेथि इउक्रे ननि हादतगिरि भलडिमिर जेलेनस्किआ रेखा खालामोदि, बुधवारआव आमेरिका आरो गुबुन सोनाबारि हादतफोरजों लोगो हमनो थाखाय

लन्डनआव मोनसे थान्दै हान्जा दैथाइ हरगोन ? हादतगिरि पुतिनआ रसियान टिभि रिपटॉरजों सावरायनायाव बुडोदि, 30 घन्टा इस्टार सान्डेनि समाव दावहा दोन्थ’नायनि उनाव दावहाया जागायफिनबाय। इफक्रेन आरो रसियाआ गावजों गावनि सायाव पुतिननि दावहा दोन्थ’नायखौ सिमफायनायनि दायजाबसिनलायदों। अदेबानि क्वीभआ बेखौ गोखोडै नो नेवसिदोंमोन। वाशिंटनआ पुतिननि दावहा दोन्थ’नायनि अफारखौ बरायदों।

जाफुडैनि हां बीनारा

हाबानि खौरां हराखैं होन्नानै बुंदोंमोन। नाथाय....। एसे गुरै जानानै बियो फिनबाय–

: नंगौ, नाथाय नों.....। थादबाय मिलनआ।

: जाथावयै बायदि मोन्दों नडाना मिलन ? बाश्नाखौ बुंनानैनो एसे मिनिस्तुबाय बिबारिया। नाथाय बे मिनिनायनि सोदोबथिखौ बुजिबाय मिलनआ। आरो जेबो बुडबालानो बियो फै बिबारि होन्नानै लिलांबाय बिबारिखौ। मिलनजों उन उन थांफाबाय बिबारिया। हाबा थिलियाव हाबनानै बेवहायनो जिरायनोसै होन्नानै सारि सारि साजायनानै दोन्नाय मासि गंसेयाव जिरायबाय बिबारिया। बिबारि जिरायब्ला मिलनआ आदा अलकखौ थिनहरनोसै होन्नानै सिडव हाबलांबाय।

बिबारि ब्रह्मआ गोजू थाखोनि सुसान्ट ब्रह्मनि फिसाजो सासेल’। सामेसरआ बिबारिनि बिदा। बै सामेसरनिनो लोगोमोन अलक नाजोरिया। लोगो हिसाबै मोनैबो नखरनि गेजेराव थालांयनाय फैलायनाय दडमोन आरो बे थांलाय फै लायानो अलक आरो बिबारिखौ खाथियाव लोगो मोनलाय होदोंमोन। अन्नाय–मोजां मोन्नायखौ मिथिनो रोडै बिबारिया अलकनि अन्नायव बोनथेजादोंमोन। सानैबो सानैजों मोजां मोनलायदोंमोन गोथौयै। सिरियैनो बिसिनि मोजां मोनलायनाया माखासे बोसोर बारलांबाय। नाथाय बिसिनि थार मोजां मोनलायनायनि गनायथि मोनैनि सिगांनो जुरिजेनबाय बारहुंखाया। बे बारहुंखाजों बिसोरनि मोजां मोनलायनायनि सनानि न’आ बायनो नागिरबाय। बिबारि बिफाया बिसोरनि मोजां

मोनलायनायनि सोमोन्दै मिथिनानै गोखों रावजों सोंखारिबाय अलकखौ, आरो नैथि खेब जाहाथे अलकजों रायलाय बावनाय नुबा बिनि खालामनो हायाखिसै। दुखु आरो जारलाजों बायफ्लेबाय बिबारिया। अलकनि अनगायै बिबारिहा सोदोबथि गैया। थेवब्लाबो बियो बिफानि अबाध्य जानो गोब्राब। बिनिखायनो अलकनि अन्नायखौ गोबानानैनो बियो बिफानि खोथा मानिनानै अलकखौ लिंहरनायो बन्द खालामबाय। नाथाय बिनि थाखाय बिहा बेसेदि खस्थ जादों बेखौ गुबुना मिथिया। जायखौनाखि अलकआबो बुजिआखिसै। अलकआबो बिबारिनि बिब्दि सिरियै थानायखौ गोरलैयै लानो हायाखिसै। थांनायखौ खमायबाय। फारसेथिडै बिबारिया गोबाव सम अलकखौ फैनाय नुयैनि सानसे स्रोदयै बियो अलक मोन्नाव थांबाय आरो बि थाडैनि जबाब बिबाय। अलकआ बुंबाय–बिबारि गोजू थाखोनि हिनजाव जानानै मानो गाहाय थाखोनि हौवा साने नोंसिनि न’आव थाडैनि जबाब नागिरदों ? मा मुलाम्फा जानो नोंहा। थादो बिबारि, आंजों खोथा रायलायब्ला नोंनि एबा नोंनि बिफानि बंसनि मानआ फिसा जागोन। बिनिखायनो बिफानि खोथा मानिनानै सोरबा गोजू थाखोनि सेंप्राजों लोगोसे संसार जानायनि खोथा सिन्था खालामदो।

: आदा अलक, एफाबां सम नों आंखौ बुजिनो हायाखिसै। फोथायनो हायाखिसै। नोंखौ लिंहराबालानो आंखि गोजोन्नाव

थानो हादों आदा। लिंहराबालानो थादोंब्लाबो नोंखौ खेबसे नुब्लानो आं जोबोर गोजोन मोनो आदा। गाबनो हमबाय बिबारिया।

: दगाब बिबारि, आसलथे आं नोंनि सिरि थानायाव गोबां दुखु मोन्दों बिबारि। बुं बिबारि नों अरायबो आंनि जानानैनो थागोन्ना ?– सोंबाय अलकआ।

: आदा गोसोआव लाखि नैबे बिबारिया खालिबोल नोंनिल। बाश्नाखौ बुंनानै बै सानखालि जायखारलांदोंमोन बिबारिया। सानथामनि उनाव। अलकआ बिबारि मोन्नाव थांदोंमोन। थांनायै बियो मिथिनो मोनबाय बिबारिया न’आव गैया। सामेसरनिफ्राय मिथिनो मोनबाय बिफाजों रागा जोंलायनानै सोरबा बाहागिफोरनाव जायखार लांबाय बिबारिया। नागिरनोबो बादो होलांदों बिदा आरो बिफाखौ। मा सोमोनांथाव हे बिबारिया। गोसो सायरापयै गिदिंफिन्दोंमोन अलकआ। दान मोनैसोआनो बारलांबाय। हरखाबै गांसे लाइजाम मोन्दोंमोन अलकआ बिबारिनिफ्राय। नाथाय जेबो जायगानि मुं थं रायखंानाय गैया लायजामाव। खालिबोल फोरमाय हरदों बियो गंसे फरायसालियाव फोरोंगिरि साखि मोनबाय होन्नानै। थं गैयै लायजाम मोन्नानै अलकआ जोबोर रागा जोंबाय। लायजाम हरबाय नाथाय थं गैया। राहा गैयैनि बियो जोबनायाव बेवसायाव गोसो होबाय।

गोबाव सम बारलांबाय। दिन्नि उनाव दान, दान्नि उनाव बोसोरथाम बारलांबाय। बिबारिनिफ्राय आरो जेबो खौरां मोनाखिसै अलकआ। सामेसरनिफ्रायबो जेबो खौरां नागिरनानै मोनाखिसै, बिसोरो जानो हागौ बिखौ नागिराखै। फारसेथिडैअलकमोनहा न’आव हाबा खालामनो नारसिन्दों। मा खालामनो बियो। बिबारिनि अनगायै गुबुनखौ गावनि खालामनायनि बाश्ना माब्लाबाबो सिन्था खालामाखै अलकआ।

मंगल ग्रहआव रहस्य गोनां अन्थाय संदान्नानै मोन्दों

गोदान दिल्ली, 22 एप्रिल: नासानि मार्स रबरआ मंगल ग्रहआव मोनसे रहस्यगोनां खंखाल बादि महरनि अन्थायनि सावगारि सेबखांदों। बे अन्थायखौ लानानै दासिमबो जेबो रोखा बुंनो हायाखै। नासाआ बे रहस्य गोनां अन्थायखौ स्कल हिलि मुंहोदों। बेखौ थांनाय 11 एप्रिलआव पार्षिभियारेन्स रबरआ जेजेर’ क्रेटर रिमआव पास्टक्रेम जेड जोन्थोरखौ बाहायनानै संदान्नो हादों। बे अन्थायनि खाथि–खालानि ओन्सोलआ गोजाम गाबनि आरो हाद्रिजों बुंफनबाय। स्कल हिलनि गाबआ गोजाम



गाब आरो जोंखोलबो। बेयाव गुन्द्रासाबो नुनो मोन्दों आरो फिसा–फिसा हाखरबो दड। नासानि हमदांनाय बादिब्ला, बे अन्थायआ बबेबा

क्रे टारनिफ्राय ऑंखारनानै बेसिम सौहैदों जानो हागौ। बेयो अरगें हाजोनि अन्थायबो जानो हागौ। नासानि बिगियानगिरिफोरेनि

बादिब्ला, स्कल हिलनि गाबआ किउरियसिटी रबरआ गेल क्रे टरआव गिबियै संदान्नाय उल्कापिन्डफोरजों गोरोबो। बिगियानगिरिफोरा बे अन्थायनि बागै गोथौसिनै नायबिजिरगोन होन्नानै नासाआ बुंदों। मख’जाथावदि, बिगियानगिरिफोरा गोबाव समनिफ्रायनो मंगल ग्रहआव जिउना थानो हाथावनानि बागै नायबिजिरगासिनो दड। बावैसो सिगां नासानि मंगल रिक्नेसेन्स अर्बिटरआ ग्रहनि सा अर्बिटआव गोदोनानै थानाय बालानि थिखिनिफोरनि सावगारि लादोंमोन।

सुंद’सल’ अमर उजिर

सरसनम्रायै आजिखालि हाबाफोराव अखानायैसो हाबाथिलियाव मानसिनि बिहिर जायो। अब्लाबो एसेआवनो साफा सानै फै हांबाय। खामानियाव दायथ’ थानायफोरा गाव गावनि खामानियाव बेसथ’ जानानै फैबाय। हौवा गोदान महरै अलकआबो आखायाव गय बाथा लानानै थुबुर जानाय आलासिफोरजों लोगोसे फंफ्रा फंनै बाश्ना रायज्लायनानै गिदिंदों। हाबा थिलियाव मानसि फजनायनि दायथखौ लादों अलक बिबथैनि फिसाज्ला मिलनआ। बिदा फंबायब्लाबो बिसोर सानैबो जेन गुबुनसो। सारसनि हाथायाव ऑंखाम गरसे नॉब्लाबो सासेया हमदांनो हायोमोन। बिब्दिनोमोन बिसोरनि सोमोन्दोआ। नाथाय अलकनि हाबायाव मिलनआ जेसेबां रंजानांगौमोन एसेबां रंजानो हायाखिसै। माबा मोनसे बिनि गोसोआव दुखु बेरखांदों। हरखाबै मिलनआ नुबाय आखायाव मोनसे फिसा बेग लानानै सासे सिख्ला हाबा थिलिजों हाबबेनाय। गान्नायाव गांसे गोमो दावदै दखना, जोमग्रा गोजा, थाबायनाया गोसो गिलिरि, सिनायनाय–सिनायनाय बायदि मोन्दोंब्लाबो सोर बैयो, बियो गोजान्निफ्राय सिनायनो हायैयाव सिगांलांबाय सिख्लानि फारसे। मिलनआ खाथिआव मोनब्ला सिख्लायानो सिगां रायदावप्रोबाय–

:मात्रै दं मिलन ? आदा अलकनि हाबाया दिनैनो नड होनलाय ?

मिलनआ सोमोनांबाय।

बियो माथो बिबारिसोलाय।

नाथाय अलकआनोथ बिसोरनो

TECH- 17/SE(B)/E-Tender/2025-26/01, Dated Kokrajhar the 22-04-2025	
Tender No. 626 of 2025-26	
PRESS NOTICE	
The Superintending Engineer PWD Kokrajhar Building Circle, Kokrajhar on behalf of the Governor of Assam invite bids from approved and eligible Contractors Registered with Public Works Department (Building). Assam/ Contractors registered with Bodoland Territorial Council in the category of Class-I (A,B,C),Class-II And III for the I (one) No.of scheme/work for the Bids amounting to Rs. 34,99,949.00 (Rupees Thirty Four Lakh Ninety Nine Thousand Nine hundred Fort) Nine) only.	
Details may be seen at website http://assamtenders.gov.in and also in the office of the undersigned during office hours.	
IPR(BTC)/C/2025-26/144	Sd/-Superintending Engineer, PWD Kokrajhar Building Circle, Kokrajhar

No. UDB/Tender /01/2022-23/

Date: 22/04/2025

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequence to be converted and drawn up in the printed of F- 2 form are invited from the registered contractors of Class –II and Class –I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR . The tenders will be received by the undersigned up to 12.00 Noon on 16/05/2025 and will be opened on the same date & place at 2.00 P.M.

Name of work	Tender Amount (In Rs)	Cost of Tender Paper	Time of Completion of Work
Land Dev and goal post installation at Chumupara High School playground under Chumupara VCDC in Udalguri Dist under SYW	8,48,400.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 23/04/2025 to 16/05/2025 in the office of the undersigned on payment.

Sd/-Block Development Officer

Udalguri Development Block

IPR(BTC)/C/2025-26/154

सुंद’सल’ मुश्री गुथाल बर’

सोमखोरा भालुकमारि

गामिनि अनाराम माहाजोननि फिसाज्ला। सोमखोरा बिमा–बिफानि नायल’–जाल’ सासेल’ फिसाज्ला। अनाराम मामाय दै जोबनो गैया। बियो भालुकमारि गामिनिनो देरसिन माहाजोनमोन। बियो गामिनि गोरिब गुन्द्राफोरखौ इसे खामानि माव होनानै रॉफोरखौ बुरजा बुरजा होनायमोन। बिमा–रुफाथिया गावनि सासेल’ फिसाज्लाखाय मा नांगौ मा नाड होफैनायमोन। सोमखोराबो बिमा–बिफानि सायाव मा नांगौ मा नाडा मोनजोबोमोन। सोमखोरा दा द’तमा एइस एस स्कुलआवनो थाखो जि (10) आव फरायो। सोमखोरा फरायनायाव रोंगौ जेखौ माष्टार सोडो बेखौ थोंजों फिन्नाय होयोमोन। बिनिखायनो माष्टारफ्रा सोमखोरखौ जोबोर मोजां मोनोमोन। सोमखोर ँबार एइस एस एल सि फानेल होनांगौ। फाइनाल होखानानै गाव जा बायदि होनो होन्दों बेखौ होनो हानानै बियो गोसोआव रंजाखाडो। रिजालाबो मास मोनथामनि उनावनो होगोन। अब्ला एइस एस एल सि नि रिजाला होबायमोन। सोमखोरा रिजालखौ नायनानै नुबायदि

जुलि खालार

बियो फास्ट डिभिसन फास जानानै मोनथाम आयदायाव लेथार मोन्नानै 80% आव फास जाबाय।सोमखोरा गावजों फरायबोनाय समायनाखौ मोजां मोनो जिउयै माहामै असे आंगोनि सान्नानै।

समायनाया गुफुर गावदां गोजू गिदिर नामजों महर मुझिजों एखे। समायना मोननि नआबो भालुकमारि ग । ि म अ ि व न े । सोमखोरमोननिजों समायना मोननि नआ गोदान–गोजाम जालायो। भालुकमारि गामिआ गिदिरखाय सा–भालुकमारि खोला भालुकमारि गामिआव रान्दों बे सा भालुकमारि आवनो समायना मोननि नआ।सोमखोर मोननि नआ समायनायाबो बिमा–बिफानि सासेल’ फिसाजोखाय समायनानि अनसोगारो।समायनानि बिफाया गामिआवनो एम इ स्कुलआव गाहाय फोरोंगिरिनि साखि मावयो। समायनाखौ बिमा–बिफाया लेखा–फरा फोरोंनानै मानसि गिदिर खालामनायनि मिजिं दं।समायनाया दा भालुकमारि गामिआव फरायो। बियो ँबार थाखो जि (10) आ फरायखांनानै मेट्रि क आनजाद होगोन। समायनाया एइस एस एल सि आनजाद

होखानानै आनजादआ मोजां जादोंना जायाखै बेखौ थाम दानावसो मिथिसिगोन सान्नानै ननि हाबा हुखाआव नांथाबनायसै। समायनायाबो मोजां मोनो सोमखोरखौ। गावसोर उन्दैआवनो समाय लालाय खादों। गावसोर सोरजोंबा हाबा जायोब्ला गावसोरनि समायखिरा मथे खामानि मावगोन होन्नानै।समायनानि एइस एस एल सि नि आनजादनि रिजाला होबाय होन्नानै।समायनाया मोनसे आयदायाव लेथार मोन्दोंब्लाबो नैथि थाखोयावसो फास जाबाय।समायनाया गाव सेथि थाखोखौ लुबैदोंब्लाबो मोनैनि गावनि सायाव रागा जोंनानै दुखु खालामदोंमोन।बेखौ मिथिनानै दुखु खालामनो नाड होन्नानै बिमा–बिफाफ्रा बुरखायनायसै।

दिनै सोमखोरा कक्राझार साइन्स कलेजआव सेथि बोसोराव मुं थिसन होदोंमोन।समायनायाबो बे कलेजआवनो मुं थिसनदोंमोन।बे समायनो सोमखोरा समायनाखौ लोगो मोनो आरो सोडो समायना नों मानो बेवहाय फैयामोन।समायनाया बुंबाय–आदा आं बे कलेजआव एडमिसन खालामफैदोंमोन।आदाया मानो बेवहाय

फै यामोन। आंबो बे

कलेजआवनो एडमिसन खालामफैदोंमोन।सोमखोरा बुंबाय समायना आंहा माबा बुंनांगौ दं नोंजों।बुंदों आदा मा बाश्ना बुंनांगौ दं आंजों।बाव बुंजाया समायना होन्नानै बुंदोंमोन आरो गावनि बाइकखौ स्टार खालामनानै गाखोयो समायना होन्नानै बुंदोंमोन अब्ला समायनाया गाखोखानाय लोगो लोगो गौरां फार्कआव थांनायसै।अब्ला समायनाया बुंबाय– बुंदों आदा।समायना नों आंनि मोजां मोन्नायखौ बावगारलांबाय नामा।बावगाराखै आदा आं नोंखौ मात्रै बावनो हानो आदा नोंथ’ आंनि आंगोनि मोदायसो आं नोंनि मोदायजो।आदा जों उन्दैआव समायखिरा लानाया दाबो गोसोआव दं आदा आइ लाभ इउ आदा आं नोंखौ मोजां मोनो आदा होन्नानै समायनाया गाबनो हमो।दगाव सना आं नोंनिखा जेब्लाबो आं नोंखौ मोनाब्ला बे बुहुमाव थानाय नड सना बे बुहुमखौ अराय समनि थाखाय नागारलॉगोन सना।आदा मानो बिदि बुडो नों जों सानैनि मोजां मोनलायनाया नंखाय नड।जों सानैजों जुलि जाधारगोन आदा जुलि जायाब्ला जों सानैबो समायखिरा मथे जों सोलिगोन आदा होन्नानै आरोबाव गाबनो हमो।बिदि समायनो दावम्रिफ्रा गोसो होसार होसार गाबनानै

(6 बिलाइआव)

जुलि खालार

(□ 5 बिलाइनिफ्राय)

विरलानायसै अब्बा मोनानो बारा
गोबाब सम गैला मोन। बिसोरो
गावबा गाव नआव थाल्लानायसै
अब्बा बिसोरनि बाध्राखौ सोरबा
सासेआ खोनाबाय बे बाध्राखौ
जाय खोनानाड बेयो सोर ? बेयो
समायना बिफा। समायना
बिफाया कक्राझाराव थांनाय
समाव बिसोरखौ नुनानै
नायखु मादों मोन बेयावनो
सोमखोर आरो समायना मोननि
मोजां मोनलायनायखौ
मिथिदों मोन। बेखौ मिथिना
उसु-खुथु समायना बिफानि
गोसोआ गाबखाडो। जाय
फिसाजोखौ लेखा-फरा फोरेंनाय
गिदिदर-गोलाव जानो
फोरेंदों मोन बे फिसाजोआनो
बिफानि सायव बिदि अगेन
हाबा मावदों। समायना बिफाया
गोसो गिलिदजों नआव
थांनायसै। नआव थांनानै
समायनाखौ नेनायसै।
र'सालिआ बेखौ दिदै नआव
फैयोब्बा होनाय लोगो लोगोनो
समायनाया नआव फैनायसै।

अब्बा बिफाया गुरै गारांजो
सोंप्लाबाय समायना आय
कलेज एडमिसनआ मोनबाय
औ आफा। मानोथो गोबाव
जाबोआ। आफा आ
लोगोफोरनाव हाबबोनाय
समाव गोबाव जाबोदों आफा
नंखाय नों आंखौ थगायनो
दासान समायना। नो
सोमखोरखौ सिनायो नामा औ
आफा नोंहा सोमखोरजों मा
सोमोन्दो दं। आं सोमखोरखौ
मोजां मोनो आफा बेबो आंखौ
मोजां मोनो “हि इस लाभ
मि”। मा नों सोमखोरखौ
मोजां मोनो। उन्दैनफ्रायनो
देरजासिम मा नांगौ मा नाङ्ग
होबोनानै दिनै नो‘गोसो थोदों
नों दिनैनफ्राय सोमखोरखौ
लोगो हमनो मोनला होन्नानै
बुयो, सोबायो राययो आरो न
सिखव जोबनानै दोनो।
फार्सेथिं सोमखोर
बिफायाबो समायनाखौ गोसो
थोदों होन्नानै रायो, बुयो,
आरो सोबायो बेखौबो न
सिखव जोबनानै दोनो। सान

(□ 1 बिलाइनिफ्राय)

हाउराघाटनि गरकिया फुखुरि गामियाव सानथामनि
रंजालि बैसागु फोर्बोआ थुंगेबाय

खुंनय जादों । मेलआव आफादगिरि मासि सामलायदों गरकिया फुखुरि गामि जौगाखां आफादनि आफादगिरि धनेन ब्रह्मआ । मेलआव सिनायथि होनाय फोबोंछौ सामलायदों गेलेमु सामलाय आफादनि नेहाथारि भास्कर बसुमतारिआ । मेलआव गाहाइ आलासि महैर मुंदांखा खन्थाइगिरि-थुनलाइगिरि लक्ष्मीन्द्र ब्रह्मआ रंजालि बैसागुनि सोमोन्दै बेसेन गोसा बिबुंधि लाखिदों । जर'खा आलासि महैर नुजाथिफैनानै बाराग' आफादगिरि उपेन बसुमतारिआ बिबुंधि लाखिदों । नेहाथारि भास्कर बसुमतारिआ सामलायनाय हाबाफारियाव सरकारि गावबुरा ध्रुव ब्रह्म, गरकिया फुखुरि गामि जौगाखां आफादनि नेहाथारि धर्मेन्द्र खाख्तारि, कर्गेंस्वर बसुमतारि, बकुल बसुमतारि, बातेवाबाला खाख्तारि, केतेकि बसुमतारि, मालती ब्रह्म, दिपेन शङ्किया, प्रहलाद खाख्तारि मोनहा बाहागो लाफैदों । बे हाबाफारियावोनो दोरोडरि गुबुन गुबुन गेलेमु बादायलायनाय खुंनयाव देरहानायफोसोनो दिपेन स्वर्गियारिनि सामलायनायाव बान्थाफोरखौ गथायनाय जादों । □

साहित्य अकाडेमि बान्धा मोनगिरि रुंसारि
लक्ष्मीनाथ ब्रह्मखौ जोबथा बिदाय होबाय

थागबि रंसारि लक्ष्मीनाथ ब्रह्मआ बासुगाव गोर्जोसिन गेजेर फरायसालिन 'बारग' गोरयुंमोन। थुनलाइ फोथाराव गावनि बेसेन गोसा बिहोमा होनायनि थाखाय रंसारि ब्रह्मआ थांनाय 2019 माइथायाव गावनि लिस्नाय खुगा सल 'सल' बाथा खोनासं दे-1 बिजाबनि थाखाय गथ 'सा थुनलाइआव साहित्य अकाडेमि बान्था मोन्तो हादोंमोन। बेनि अनगायैबो रंसारि ब्रह्मआ 1997 निफ्राय 199 माइथायसिम कक्राझार जिल्ला बर' थुनलाइ आफादिन 'बारग' आफादगिरिबोमोन। बेजों लोगोस गावजों-गाव बुथारलायनायखौ होबथानो 1996 माइथायाव बर' थुनलाइ आफादआ दानानै होनाय बर' नेसनेल पिच एन्ड क'-अर्डिनेसन कमिटिनि सोद्रोमामोन। 2002 आरो 2006 माइथायाव दानाय बर' थुनलाइ आफाद कनस्टिटुसन रेभिउ साब-कमिसननि आफादगिरिमोन। बिथाड गावनि थांना थानाय समाव बर' थुनलाइखौ फेहेस्नाय आरो फोजौनायाव मैखोमै बिहोमा होबोदों। बिथाड गवुन गवुन समाजआरि आफादफोरजों लोगो नांनानै समाजनि, ओन्सोलनि जौगानाय आरो गाहामनि थाखाय खामानि मावबोदों। बिथाड बर' थुनलाइ आफादिन सासे जिउजॉं सोद्रोमाबोमोन। गावनि थांना थानाय समाव बर' थुनलाइ मुलुगखौ फेहेस्नाय आरो जौगाहोनायनि थाखाय गोबांधार बिजाब आरो लाइसिफोर सेबखानानै दिहुदोंमोन। बिथानि सुनुनाय मख 'जाथाव बिजाबफोरनि गेजेराव दड फारियै-सल' बाथा खोनासं दे-1(2000), से मिनिटनि लकेल सल' (2005), हाडाख द्वीप (2010), सल' बाथा खोनासं दे-2 (2013), गेरे रेगां सल' बाथा (2013), जखाइसे रंगिना संगिना सल' बाथा (2015), बाथा फांथे जलंगा (2016), जेंगाव लकेल गाल्काप (2018), श्री श्री मनसा बिश्वहरि (2018), खुदिया खन्थाइ माला (2018), गोमोथाव गोमोथाव सल' (2018), सल' बाथा जलंगा (2019), गेदेमा सुबुनि निति, बोसोन-रव बिहुं (2020), खुदिया सल' तेरेबिदां (2021), माखासे देब देबिनि गोहोनि सल' (2022), आं नोंखौ मोजां मोनो रजे (खन्थाइ-2022) आरो आंनि रोमै रोमै गोदै गोदै गोसोखांथि (जिउ खौरं-2023) बिजाबफोरा मख 'जाथाव। थारैनो बिथानि रंसारि जानाया बर' हारि, समाज, आरो बर' थुनलाइ मुलगनि थाखाय सुफुंख' हायै खहा जानायखौ बयबो मोन्दांथि लादों। □

कालिफुखुरियाव बिषुवा फोर्बा खुंदो

मोन्दें। मख 'नो गोनादि, कक्राझार जिल्लानि सालाकाटि उफ्रा पुलिस बादानि सिडव थनाय कालिफुखुरि हाउरिया मन्डल फोथारव खुंनय हरिमुवारि हाबाफारियाव हांखायहरजानाय देखोगिरि महरै मुंदांखा देखोगिरि मानसी शहरियाआ देखो रोजाबदों। बेनि अनगायैबो जायगानि देखोगिरि डिजेलड कचआबो देखो रोजाबनायजों लोगोसे माखासे आरिमुगिरिफोर मोसानानै दिन्थिदों। मख 'नो गोनादि, हरिमुवारि जौसांखौ फिथा हसनानै बिटिसिनि 12 नं सालाकाटि बियाबनि एमसिएलए देहरासात बमुपतारिआ बेखेवना होदों। बेनि सिगां समाव आलारि बाथि फोजोंनाय हाबाफारिबो खुंनय जादों। आलारि बाथि फोजोखे कमतापुर अट'नमास काउन्सिल (केएस)नि बुंथिगिरि हितेश्वर बर्मनआ। हाबाफारियाव केएसनि मावफुं सोद्रोमा सुधिर राय, एमएलए लरेन्स इस्तारि, चिरां जिल्ला बिजेपिनि आफादगिरि रतन चन्द्र राय, आक्रासुनि बारग' आफादगिरि अरुन कुमार राय, कक्राझार जिल्ला आफाद आक्रासुनि आफादगिरि हेमेन रायमोनजों लोगोसे माखासे दैदेनगिरि-मावफारियाफोर नुजाथिफैनानै हाबाफारिखौ समायप्लेहोदों। कालिफुखुरि आन्सलिक दुलाराय कचराजबंसि फरायसा आफादनि बान्जायनायाव मैया समबारखालि खुंजानाय बिषुवाखौ लोब्बालानानै फुंनि समाव फिरफिला बिरहोनाय, गोसोखां मान बाउनाय, बिफां फुलि गायनाय, गुबुन गुबुन गेलेमु बादायलायनाय बायदि हाबाफारि खुंनय जायो। फुंनिफ्राय गात्रि बोथोरखौ नेवसिनानैब्लाबो बिषुवा फोबोंखौ जाफुंसारे खुंफुंजानायाव कालिफुखुरि आन्सलिक आक्रासुनि आफादगिरि अबिन्द राय आरो नेहाथारि लाबान्य बर्मन मोनहा गोजोन्नाय फोसमायदों। □

हर जेबो जाया दै लोड़ गारा
दिन थां हो बाय थायो
सोमखोर। समायनायाबो
जेबो जाया गारा बिसिनियाव
उन्दुसोनानै गाबो। अब्लासो
समायना बिमा बिफा आरो
सोमखोरनि बिमा बिफाया मा
खालामनो होन्नानै खाफाल
सोयै-सोयै गाबो। फिसाजोनि
बिदि हालोदखौ नुनानै
समायना बिमा-बिफाया
सोमखोरजों जुलि होनो आरो
फिसाजोनि मोजांनि थाखाय
जुलि होनो थिरांथा लायो।
फारसेथिं सोमखोरनि बिदि
हालोदखौ नुनानै सोमखो
बिमा-बिफायाबो जिंगासिनो
हमो। बिसोरनो फिसाज्जानि
मोजांनि थाखाय समायना जों
जुलि होनो थिरांथा लायो।
सोमखोर आरो सोमखोरनि
बिमा बिफाया समायना मोननि
नआव थानानै सोमखोर आरो
समायनानि थाखाय जुल्लिनि
खालार दान्नो समायना मोननि
नआव थानायसै। बिसोरखौ
फैन्या नुनानै समायना बिमा-
बिफाया आलासि सिबिनो
मोन्नानै गोजोनदोंमोन आरो
हाबनि खालार दान्नानै थि समाव
समायना आरो सोमखोरनि
हाबाया जाना थानायसै। □

ਗੋਦਾਨ ਜਿਤ

શ્રી બિરગોદાડ

नाँनि उन्नाय मोननाचै
 आनि जिउनि गोरान बिलाया
 लाफिनबाय दिनै गोरान बिलाया गोथां गाब ।
 नों नछ मोनब्ला
 आनि जिउनि गोरान बिलाया
 बिरफालांगौमोन जाउलिया बारजों लोगोसे ।
 बेसेन गोयै बायदियै
 आला दिछयै बुहुमनि दाब दाब जायगायाव ?
 आरो अब्लादि माबौरै बबेयाव गोमालांगौमोन
 आं गावनो सानसनो हायाछैमोन ।
 नाँनि अननाय मोना मोनब्ला आनि जिउनि गोदान
 बिलाया गोरानैनो थानोसैमोन
 नों फैयामोनब्ला बुहुमनि बबेबा दाबसे जायगायाव
 सिरियै गोमा लांसिगौमोन
 हाजासे साबायखर बावबाय रजे गोसो गोबों बुंसारजसे
 नोंछौ आनि जिउनि गोदान लामाखौ
 साजायनानै होफिनारयनि थाखाय ।

सम

हाबाब, सम बेसे आंखाल ।
माला थांगोन फैगोन
मोन्थिस्लाबोन हाखवा ।
थांगोन नोडो थिक-थिक
जगोन दसेनो सान-हर,
दंमीरोसो बेयावोनो आंखाल ।
हायोब्ला सम थानायानवो
लाखा फोजोबनानै,
गैया थानायनि सम एसेबो
रेंब्ला थागोन एसेयानो ।
लाका बुधुमना माबार
थानोसै हनै,
दाखा गोसोम हांगार बादि ज
नेया रावखौबो समा ।

- प्रन बसुमतारि
गामि- सान्तिपुर निज्लागुरि
थाखो- जि

(☐ 1 बिलाइनिफ्राय)

काजलगावआव ड्राग्सजो

लोगोसे सानै फालांगिरिखौ हमदो

सुलुं खौरं मोनानै काजलगाव सदर थाना सिडाव थानाय बरतलवा हाथाइआव काजलगाव पुलिसआ नागिरसंनाय हाबाफासिलानानै 11 ग्राम लिस्थाइन मोनसे ड्राग्सनि पेकेटजॉं लोगोसे धुबुरि जिल्लानि ड्रगरपारनि आनवाव हुशेइन (28) आरो लालचान्दबादशाह (30) मुंनि सानै ड्राग्स फालांगिरिफोरखौं हमो। मखं मोनगोनांदि, एएस 18 एम-7792 नम्बरनि आपासि बाइकजॉं फैनाय ड्राग्स सुरां फालांगिरि सानैआव बे होबथाजानाय ड्राग्सखौं बिजनीनीनफ्राय 37,000 रंआव बायनानै धुबुरिसिम थॉफिनो लानाय समावनो पुलिसजॉं हमजायो। □

गोजोननि नोगोर कक्राझारआव
सिखाव खावनायनि जाथाय

गोनांदि, कक्राझार सहरआव आथिखालाव गिर्दिथिबोय थानाय भाङ-सुरा बेसाद नागिरनायनि मुडव मोनसे सिखावनि हान्जाया गोबोव साननिक्राय सहरनि जायगा-जायगा बिगोमा गैथै न'आव हाबनानै गले-गले लुथिबोनायनि खौरं मोन्नाय जादों । बे बिथिडव कक्राझारनि जयपुरआव माखासे सुबुंफोरनि न'-न' लहा, बायदि मुवा-बेसादिन आइन बेरेखा फालांगि खालामनाया सिखावनि मोनसे गेदेर जायगा सोमजिनायनि मोनसे गोख्रोंथार अजद देखंजाबोदों । बेबेबादियाव भाङ-सुरानि फालांगिरिनि मुडव जयपुरआव खायसे सुबुंफोरा सन्देह गोनां सिखावनि हान्जाखौ न'भारा होनानै मोनसे फालांगि खालामबोदों होन्ना जायगानि रइजो-राजाफोरा अजद देखंदों । बे बिथिडव बिटिसिनि सदर कक्राझारआव गले-गले सिखाव खावबोनाय सिखाव हान्जानि हेंथायै कक्राझार पुलिस हान्जाया सदानानै मा रहा लायो बेखौ समासो फोरमायसिगोन । □

टाटा मटर्सआ फैगौ 1 मेनिफ्राय गासैबो

गारिनि बेसेनखौ बांहोसिगोन

अनगायैबो गोदान रैखाथि मान दान्दा आरो बिरेंदामिन
फोजौखानायबो गारिन बेसेनआव गोहोम खोखैदें। बेखौ लोब्बा
लानाने टयट मटर्सआ दावबायारि गारिन बेसेनखौ 4 जौखोन्दो
बांंहोनारयिन बाभ्राखौ फोसावनाने होबाय। कम्पनीआ फोसावनाय
बादियै सानफ्रोमबो बाडइ इनपुट खरसा आरो बेसेन बांनय गोथां
मुवा-बेसादिन थाखानो बे थांखिखौ लानाय जादें। दिनै बेनि
सोमोन्दै गुवाहाटीआव थानाय बसिस्टआव बिमल कार्सआव मोनसे
खौरंगिरि मेल खुंनाने फोसमायथिदें। खौरंगिरि मेलआव रिजनेल
मेनेजेजर सिद्धार्थ शर्मा, सिइअ आरिहान्त साराउगि आरो जेनेरेल
मेनेजेजर दिपांकर दासमोनहा बाहागो लादें। □

बाजेट जथुमनि सिगां बिटिसि मावफुं आफादनि गोनांथार जथुम

गोनां बे गोदान बिफानआ बिटिआरनि फिसा-फिसा हारि-हारिसानि थागिरिफोरखौ गावखौ मान होनाय एबा गावखौ सनमान होनायजौं थांना थानायजौं खौसेथि आरो गोरोबलायनाय सोरिजानायनि बिथिडाव मोनसे मोजां थांखि महैर मिबथिजागोन होना मावफुं सोद्रोमा गौतम दासआ बिबुंथि लाखिदों। बिटिआर सरकारनि बुंथिगिरि गौतम दासआ खौरंगिरि मेलनि गेजेरजों बे बाश्राखौ फोरमायनाय आरोबाव बुंबावदोंदि, बिटिआर सरकारनि गोदान बिफान बेखेवनायनि सोमोन्दै दिनै इसि (मावफुं आफाद) नि जथुमआव मोनसे सरसनस्सा थांखिलाइखौ गनायथिदों। लोगोसे बिटिसि लेविजसलेटिभ काउन्सिलनि भवनआव गाबोननिफ्राय साननैनाइ खुंजानो गोनां बिटिसिनि बाजेट जथुममायवोनो सरकारनि गोदान बिफानखौ खुलिनायनि गनायथि मोनगोन होना बिथाडा मिजिंथिदों। बे बिथिडाव प्रमद बर'नि मोजां सान्नाय-हनाय आरो बिथांखिआ फैगौ सानआव बिटिआरआव थानाय गासैबो हारि-हारिसानि गेजेराव अरायथा गोजोन-खौसेथिखौ थि लाखिनायजों लोगोसे हारियारिनि गेजेराव फोथायनाय, थामोन्था आरो बिदा-फांबाय सानलायनायखौ लाबोगोन होना बिथाडा बुडो। लोगोसेनो बे गोदान बिफाननि गेजेरजों हारि-हारिसानि आफाद फसंथाननो 5 लाख रडै अन्सुंथाइ गथायनायजों लोगोसे बिटिआरआव थानाय गासैबो हारि-हारिसानि राव, आरिमु-हारिमु, हेरिटेज आरो दोरोडारिखौ जयै सैरेखाथिना लाखिनो बिटिआर सरकारनिफ्राय मोनसे गेदेर मिडिजियाम लुनाय जागोन होनानैबो फोरमायो। गुबुन फासै खौरंगिरि मेलआव बिटिआरनि मावफुं सोद्रोमा रज्जि बसुमतारिआबो बाहागो लानानै दिनैनि मावफुं आफादनि जथुमआव गुबुन मोनसे हा-हुनि सोमोन्दै जेना-जैसिखौ सुस्त्रानायनि गोनांथाव थांखि गनायथिनायखौ फोरमायना होयो। आथिखालाव इसि जथुमआव बिटिआर सरकारनिफ्राय मिशन बैसोमुथि 0.2 खौ फैगौ मे दानआव बेखेवनाय जागोन होना बुडो। जेराव मिशन बैसोमुथि 0.2 नि खामाय बादिदैय गुबुन गुबुन आफाद फसंथाननो पाट्टा गथायनाय, खाजोन बिफाननि सिडाव थाना हायाव मुगा-मुगानाडै फिसा साहा आबद मावनायै गावसुंथा हाज्जा आरो समबाइ समिटिफोरनो हानि पाट्टा गथायनाय, हा बायनाय-फानग्राफोरनो पाट्टा गथायनाय आरो हारियारि दाडाबाजि आरो हा खुरेखानायवा हा-हु खोमानानाय नख र'नो सावैरल बिबानगरिनि रेक'ड फोरमायथिनि बिथायाव फिन फसंफिन्याय जागोन। फासैथि ट्राइबेल बेल्थ एन्ड ब्लकनि हा सैरेखाथिनाय आरो भिजिआर/पिजिआर हायाव मुगा-मुगानाडै दखल खालामनानै थानाय हा गैयै नख र'नो जारि खालामनाय सर्थ बादिदै 1 बिघायै हा गथायनाय बादि गुबुन गुबुन राहाखौ आखायाव लानाय जाबाय।

जम्मु-काश्मीरान पहलगामआव उतखारफोरनि
गाग्लोबनायाव सा 26 दावबाचारि सुबुंफोरनि जिउ खहा

खौरों मोन्नाय जादों आरो गुबुन माखासे सुबुंफोरा गोत्राब जोखोम जानानै देहा फाहामसालियाय फाहामथाइ लानायनि खौरों मोन्नाय जादों । बबेखानि उतखारिफोरनि गुलि नांजानाय माखासे जोनोम जानाय सुबुंफोरनि जिउ खहा जानायनि अन्जिमाया बांसिनो हागौ । सा 26 सुबुंफोर थैनायनि गेजेराव गुबुन सासै सुबुंआ बाइजो हादतनि होन्नानै मिबथिनो मोन्नाय जादों । बेनिनो सासेआ इथालि आरो गुबुन सासे थैनाय दावबायारिआ इब्राइल हादतनि । बे जाथायाव थैनाय गुबुन दावबायारिफोरा गुजराट, महाराष्ट्र, कर्नाटक, तामिलनाडु आरो उरिषानि होन्नानै मिबथिनो मोन्नाय जादों । बेराफासैं बे गाग्लोबनाय जाथाया सोमजिनाय लोगो-लोगो दुलाराय हादतनाडै सांग्रांथि जादों आरो बे जाथायखौ लानानै गोख्रौडै सोंखारिदों । उतखारि गाग्लोबनाय जाथायखौ खोनानाय लोगो-लोगो हादतनि गाहाइ मन्थि नरेन्द्र मदिआ सशेल मिडियानि गेजेरजों बे जाथायखौ गोख्रों रावजों सोंखारिदों आरो बे गाग्लोबनाय जाथायाव लोब्बा थानाय सासेबो उतखारिफोरा बारग 'नाय नड होन्नानै खोथा होदों । बेनि अनगायैबो गाहाइ मन्थि मदिआ बे उतखारि गाग्लोबनाय जाथायाव जिउ खहा जानाय गासै सुबुंफोरनि नख 'रनि सोद्रोमाफोरनिसिम दुखु रुजुनफानानै गोनांथि बादियै सरकारनिफ्राय हेफाजब होनो खोथा होयो । एँहाय हादतनि नख 'र मन्थि अमित शाहआबो जाथाय सोमजिनायखौ खौरों मोन्नाय लोगो-लोगो काश्मीर दावबायानाँ हरखाबै रैखांथि बिफाननि मावख 'गिरिफोरजों मोनसे गोजौ थाखोनि मेल जथुमनाय जायो । बेराफासैं जाथाय सोमजिनाय जायगानि सोरगिदि भारतीय रैनिया सांथि, भिक्टर फर्स, स्पेसियेल फर्स, जम्मु-काश्मीर पुलिसनि एसअजि आरो सिआरपिएफ सांथिफोर थिसनानै उतखारिफोरनि हेंथायै नायबजिनराय हाबाफारिखौ जागायदों । सुलुंनिफ्राय मिबथिनो मोन्नाय बादिल्ला, बे गाग्लोबनाय जाथायखौ लश्कर-ए-तयबा उतखारि हाज्जाजों सोमोन्दे थानाय डि रेजिस्टेन्स फ्रन्ट एबा टिआरएफआ सिमान लादों । जाथायाव जोखोम जानाय माखासे दावबायारिफोरा फोरमायनाय बायदिल्ला, उतखारिफोरा दावबायथिलियाव हरखाबै नुजाथिफैनाँ दावबायारिफोरनि मुं आरो धोरोमखौ सौनारयनि उनाव गुलि गावदों । बे जाथायखौ लानानै दासान्दि, दुलाराय हादतनाडैनो जिंगा सिनायजों काश्मीरआव उतखारिफोरखौ दबथायनायनि बिथांखि रस्ताइगासिनो भारत सरकारआ ।

खोला भालुकमारि गामियाव खुंगा 4थि रंजालि बैसागु फोर्बो फालिदो

गमि गोर अरुन ब्रह्म चौधुरीआ। बेनि उनाव रंजालि बैसागु फोर्बो फालिथाइनि फिर्फालिथाखौ। बिस्होयो खुंफुं आफादिन आफादगिरि अतुल चन्द्र ब्रह्मआ। लोगोसे रंसारिफोरनो मान बाउनायाय हाबाफारिखौ मावफुंना होयो अमेन्द्र ब्रह्म चौधुरिआ। बे हाबाफारियावनो गाहाइ आलासि महैर। बाहागो लानानै ९ नं. बनरगाव बिटिसि बियाबनि एमसिएलए राजिब ब्रह्मआ ४थि खोला भालुकमारि रंजालि बैसागु फोर्बो फालिनायनि न'ब्लांखौ बेखेवनानै होयो। बे रंजालि बैसागु फोर्बो फालिनायनि लोब्बायैनो गुबुन गुबुन हाबाफारिफोर जैर- थुनलाइयारि बादायलायनायाव फरग्यसाफोरनि खन्थाइ आवरायनाय, सावगारि अखिनाय आरो रंसाइ लिस्नाय बादायलायनाय, गेलेमु आयदायाव खारनाय, बारनाय, बिस्कुट अरख्नाय, एम्बु बारनाय, दाक्ज्ला सौलायनाय आरो दिरं बोनाय बादायलायनाय खुंनाय जायो। बेनि अनगायैबो बैसागु फालिनायनि लोब्बायै हारिमुवारि बादायलायनायाव बैसागु मोसानाय, मेथाइ रोजाबनाय, दिन्थिगासे दिन्थिनाय बायदि बायदि बादायलायनायनि गेजेरजौ बैसागु फोर्बो फालिथाइखौ मेहेरगोनाइ खुंफुंनाय जायो। बेबादिनो हांखायजानाय माखासे देंखोगिरि आरो मेथाइ रोजाबगिरिफोरनि बाहागो लानानै मेथाइ रोजाबनाय आरो देंखो दामनायनि गेजेरजौ खोला भालुकमारि गामिनि गासै हाँवा-हिन्जाव, सेंग्रा-सिख्ला खौसेयै ओंखारबोनानै मोसायै-रंजायै बैसागु फोर्बोखौ बरायो। मख'नाय जायोदि, बे बैसागु फोर्बो फालिनायनि लोब्बायै थुनलाइयारि, गेलेमु आरो हारिमुवारि बादायलायनायाव देरहासार जानो होनाय बादायारिफोरखौ थुलुंगा होनो थाखाय मान बिलाइजौ खुंफुं आफादिनफ्राय बान्था होनाय जायो। बेबादिनो सानसेनि हाबाफारिजौ खुंनाय खुंग्रा ४थि खोला भालुकमारि रंजालि बैसागु फोर्बो फालिथाइआ गामिनि गासै रइजो-राजाफोरनि हेफाजाब आरो मदतजौ खौसेयै रंजायै-मोसायै मेहेरगोनाइ जाफुंसार जालाडो। □

रौतानि बर' बाजारआव उदालगुरि जिल्ला एबसुनि
बान्जायनायाव रंजालि बैसागु फोर्बो खुंदों

खुनाय जादों। बर'बाजार दुलाराइ बर' फरायसा आफाद (एबसु)नि मावखुलि गेलेप्रा फोथारनि
लांगोनायाव साननैन हाबाफारिजों रंजालि बैसागु फोबोंखो फालिनाय जादों। हाबाफारियाव मोन 6
दख'रा आफाद नलबारि, रैता, बर'बाजार, अरां, माजबात आरो बरसलानि मोनफायै हान्जया
मोसानानै दिन्थिदों। हाबाफारिखौ मिरु एबसुनि आफादगिरि दिपेन बर'आ बेखेवनानै होयो।
बैसागुनि हाबाफारियाव बिटिसिनि मावकुं सोद्रोमा निलत स्वर्गियारिजों लोगोसे माखासे
जर'खा सुबुंफोरा बाहागो लाफैदों। लोगोसेनो ओन्सोलनि गागि नोगोरारिफोरनिसिम सिबिथाइ
बाउनया हाबाफारिबो खुंनाय जादों। फारसैंथो गोदान मुगानि थासारियाव गोमालांनो हमनाय
रंजालि बैसागुनि उदां बादायलायनायखौ रैखा खालामनो नाजानायखो राइजो-राजाफोरा
साबायखर बाउदों। हाबाफारियाव दुलाराय बर' फरायसा आफादनि रैता, माजबात, बरसला,
बर'बाजार, नलबारि, अरां दख'रा आफादनि आफादगिरि-नेहाथारिफोरजों लोगोसे माखासे
एबसुनि मावफारियाफोरा बाहागो लाफैदों। □

माहाम देहानि राहा

सामब्राम गोजाया इउरिक एसिडनि थाखाय मुलाम्फा गोनां

देहायाव इउरिक एसिड बांनाया गाउटनि जेंनाफोर जाहोनो हागौ। बेयो अन्थाइनि महराव बेगेंफोरनि गेजेराव जमा जायो। बेनि फिथाइ महरै जरायाव बुखांयो आरो सानाया गोब्राब जायो। बबेखानि, इउरिक एसिडआ माबोरै बाडे बेखौ मिबथिनाया गोनांथार। बेनिखायनो जेव्हा नोंथाख प्रटिन गोनां जाग्रा आदार जायो अब्बा प्युरिनफोरखौ गाज्रि बेसाद महरै हगारनाय जायो, जाय मैलाया बेगेंफोरनि गेजेराव जमा जायो आरो उनाव फारागथि सोमजिहोनो हमो। बेनि उनाव बिनि जाहोनाव बुनाय जायो, जायनि जाहोनाव जरायाव सानाय जायो। पियाजआ मोनसे आदार जेराव पुरिन गैया। बेफोरो इउरिक एसिडनि थाखोखौ बाडइ खालामनायाव मदद होनो हागौ। पियाजआ गाउटनिफ्राय



बुनायखौ होबथानायाव मदद होनो हागौ। पियाजआव मोन्नाय फले भ'नइड के रसेटिनआ बुनायखौ होबथायो। बेफोरो लिभार आरो किडनीनि थाखायबो मुलाम्फा गोनां आरो प्युरिननि हजम जानायखौ गोखें खालामनो हागौ। बेनिखायनो गोबां इउरिक एसिडनि थासारियाव नोंथाख बेफोरखौ जानो हायो। जेव्हा गोबां इउरिक एसिड थायो अब्बा नोंथाख पियाजखौ बायदि रोखोमै जानो हायो। नाथाय गोसोआव लाखिदि, नोंथाख

बेफोरखौ मोजां आदबजों जानांगोन। नोंथाख बेफोरखौ सालाद महरैबो जानो हायो। नखब्ला पियाजनि रोसि लोंनो हायो। बेयो प्युरिनखौ हजम खालामनायाव हेफाजाब होयो। बेफोर गासैबो जाहोनफोरखौ गोसोआव लाखिनानै गोबां इउरिक एसिडनि थासारियाव नोंथाख पियाजखौ जानो हायो। बेनि अनगायैबो, पियाजआ आर्थराइटिस आरो अस्टि यपरसिस गोनां बेरामिफोरनि थाखाय मुलाम्फा गोनां। बेखौ गोथां एबा रुनानै जानो नाजानांगौ।□

रणबिर कापुरनि 'रामायण' सावथुनाव इन्द्र देबनि फाव खालामनो थाखाय गोदान फावगिरि मोनबाय

नितेश तिवारिनि बिथोन होनायाव बानाय जानाय रामायणजों लोब्बा थानाय खौरांआ जेव्हायबो खौरांआव थायो। साउथनि सुपार स्टार यशआ सावथुनाव गाहाइ बिफाव लागोन, जायखौ लानानै अन्साइगिरिफोरनि गेजेराव जोबोद एक्साइटमेन्ट जानायखौ नुनो मोन्दों। सावथुनाव रणबिर कापुरआ श्री रामनि बिफाव होगोन आरो साइ पल्लभिआ बिमा सितानि बिफाव होगोन। यशखौ नोंथांमोनहा गिबि खेब पडांआव माइथलजिके ल फावआव नुनो मोनगोन। दा सावथुननि कास्टआव आरोबाव सासेनि मुंखौ सरजाबनाय नुनो मोन्दों। मिबथि होनाय जायोदि, इन्द्र देबनि थाखाय सासे गोदान फावगिरिबो कास्टिं खालामखांबाय। इ-टाइम्सनि मोनसे रिपर्टनि बायदिब्ला, भगवान इन्द्रनि फावनि थाखाय मेकासंफोरा कुणाल कापुरखौ सायख'दों। सानैनि गेजेराव गिख्रंथाव दावहा नानायखौ नुनो मोनसिगोन। राबण आरो भगवान इन्द्रनि गेजेराव दावहा नांनाया सावथुनाव मोनसे



मख'जाथाव आयदा जागोन, मानोना रक्षस राजाया मोन्थाम बाहागो सोरगो, बुहुम आरो पातालआव गोहोम गोग्लै होनो नायगिरनायाव गिबियाव सोरगोआव गाग्लोबनायखौ जागायगोन नाथाय मेकासंफोरा सावथुननि बे कास्टिंखौ लानानै जेबो अफिसियेल फिनजाथाइ फोसावाखै। मिबथि होनाय जायोदि, जाट सावथुननि स्टार सानि देअलआ सावथुनाव हनुमाननि बिफाव होगोन। पिंकबिलानि रिपर्टनि बायदिब्ला, सुपास्टर यशआ गावनि फैनो गोनां सावथुन 'टक्सिक' नि मोनसे गिदिर

शेडयुलखौ फोजोबबाय। दा बिथाख नितेश टिवारिनि मस्ट अवेटेड सावथुन 'रामायण' नि शुटिंखौ जागायसिगोन। यशआ सावथुनफोरखौ जागायनायनि सिगां मन्दिर दर्शन खालामनाय नेम-खात्थि सोलिहोनानै बे खेबाव उज्जेननि श्री महाकालेश्वर मन्दिरआव दर्शन खालामहैगोन। रामायण सावथुननि सुटिंआ मुम्बाइआव जागायगोन, बेवहाय यशनि हारिसिडेनि सिनखौ लाग्रोमनाय जागोन। सावथुननि मेकारफोरा बिनि थाखाय मोनसे जर'खा सेट थियारि खालामदों।□

महेश बाबु फावखुंगुरआ मानि लन्ड्रिं केसनि जेंनायाव गोग्लैदों

साउथनि सुपार स्टार महेश बाबु, जाय बलिउडनि फावखुंग्रि नम्रता शिरडकरनि फिसाइबो, बिथांनो इडिआ समन हरदों। फावखुंगुरखौ 27 एप्रिलखालि हाइड्राबादनि इडि मावख'आव हाजिर जानो थाखाय बुंदों। बे समनखौ रियल एस्टेट कम्पानिफोर साइ सुर्या डेभेलपार्स आरो सुराना ग्रुपजों लोब्बा थानाय मानि लन्ड्रिं केसआव हरनाय जादों। महेश बाबुआ बे कम्पानीफोरनि ग्रिन मिडज प्रजेक्टनि ब्रान्ड एम्बेसाडर जाखांबाय। बावैसो सिगां इडिआ बे मोनैबो कम्पानीफोर आरो बेजों लोब्बा थानाय बाहायनायफोरनि हेंथायै सिग्रोमनाय जादोंमोन। बेखौ सिकन्दराबाद जुबलि हिल्स आरो बभेनपल्लि बायदि



हाइड्राबादनि खाथिनि ओन्सोलफोराव नायबिजिरनाय जादोंमोन। साइ सुर्यानि बिगोमा सतिश चन्द्र गुप्तानि सायाव थगायनाय आरो फ्रड खालामनायनि दाय नांना दं। टाइम्स अफ इन्डियानि मोनसे खौरांनि बायदिब्ला, आथिखालाव इडिआ बे केसआव महेश बाबुनि बिफाव लानाय आरो बिनि लिंकखौ

नायबिजिरासिनो दं। केसनि सायाव आरोबाव मिबथिनो मोनबावगोनखौ हमदांनानै लानाय जादों। इडि रिपर्टनि बायदिब्ला महेश बाबुनो साइ सुर्यानि डेभेलपार्सनि एडभार्टाईसमेन्टि थाखाय गासै 5:9 कौटि रां होनाय जादोंमोन। बेनिफ्राय 3.4 कौटि रंखौ बेंकिं चेनेलफोरनि गेजेरजों आरो 2.5 कौटि नोगोद रंखौ केस होदों

सानि देअलनि 'जाट' सावथुना लासैयै जागायदोंब्लाबो रां आरजिनायाव मोजां जाफुंसारनो हादों

सानि देअलआ आथिखालाव जौसिन खथायाव जायगा आवग्रिनानै दं। गदर 2 नि उनाव बिथानि 'जाट' सावथुननि जादुआबो बक्स अफिसआव सोलिदों। वार्कि सानफोरावबो 'जाट' सावथुननि रां आरजिनाया मोजाडै नो सोलिगासिनो दं। जर'खा बाश्राया बेनोदि, सानि देअल-रणदिप हुड्डा आरो सेयामि खेर स्टारनि बे सावथुना भारतजों लोगोसे गुबुन हादतआवबो मोजां रां आरजिगासिनो दं। वर्ल्डवाइड 13 कौटि रांजों जागायनाय 'जाट' सावथुना गुबुन हादतआव जोबोद गोख्रैथिजों दावखोगासिनो दं। उइके न्डआव सावथुननि कालेक्सना बांगासिनो दं, नाथाय वार्कि सानफोराव सानि डेअलनि एक्सन ड्रामा सावथुना सानफ्रोमबो 6 निफ्राय 7 कौटि रां बिजनेस खालाम गासिनो दं। समबारखालि 92 कौटि रांसिम कालेक्सन खालामनाय 'जाट' सावथुना मंगलबारखालि मोनसे गोदान



रिकर्ड बानायनायनि आगानसे खाथिसिम सौहैदों। केसरि चेप्टर 2 नि गेजेराव 'जाट' सावथुना गासै हादतआव मोनसे गोदान जारिमिन सोरजिदों। सलमान खान-अक्षय कुमारनि


रुजुनायाव सानि देअलआ बक्स अफिसआव दासिमबो जायगा आवग्रिनानै लानो नाजाबाय थागासिनो दं। लासैयै जागायनायनि उनाव 12 थि सानाव जाट सावथुना बेखौ

खालामनायाव जाफुंसारनो हादों, जाय केसरि चेप्टर 2 नि रिलिजनि उनाव गोब्राबमोन। रिपर्टनि बायदिब्ला जाट सावथुना मंगलबारखालि गासै हादतआव 98.7 कौटि रां

आरजिदों। बे सावथुना 100 कौटि रांनि क्लाबआव जायगा आवग्रिनो थाखाय खमैबो 2 कौटि रांसिम बिजनेस खालामनो नांबावगौ। बे सावथुनजों लोगोसे भिविक कौशल, सलमान खान, अक्षय कुमारजों लोगोसे सानि देअलआबो बक्स अफिसआव 100 कौटि रांनि क्लाबआव बाहागो लानो हानाय फावखुंगुर जागोन। अस्ट्रेलियानिफ्राय लानानै निउजिलेन्ड आरो मालेशिया, इउनाइटेड किंग्डम, इउएसआव रिलिज जानाय 'जाट सावथुना मोजांसिन रिसपन्सखौ आमेरिकायाव मोन्दों।□

रहित शेड्टिआ शाहरुख खानजोंनि सोमोन्दोनि गाज्रि जानाय खौरांनि सायाव फिन्जाथाइ होदों

रहित शेड्टि आरो शाहरुख खानआ बलिउडनि गोख्रों खिलाड़ी। एक्टिंआव शाहरुख खानजों रावबो हाया आरो डायरेक्टरआव रहित शेड्टिजों रावबो हाया। सानैजों जयै चेन्नाइ एक्सप्रेस बायदि एक्टिं-कमेडि सावथुनखौबो होदों, जाय जाफुंसारनायजों लोगोसे क्लासिक कल्टबो जादों। उनाव सानैजों 'दिलवाले' सावथुनावबो खामानि मावदों। चेन्नाइ एक्सप्रेसनि उनाव आसा खालामदोंमोनदि, दिलवाले सावथुनाबो गिदिर पर्डांआव दोहौ सोमजि होगोन, नाथाय बिब्दि जायाखै। उनाव शाहरुख खान आरो रहितआ माब्लाबाबो जयै खामानि मावासै। मिबथि होनाय जायोदि, सावथुननि



जाफुंसारैनि उनाव सानैनि गेजेराव सोमोन्दोआ गाज्रि जादोंमोन। आथिखालाव रहितआ शाहरुख खानजों लोगोसे सोमोन्दो गाज्रि जानायखौ लानानै सावरायदों। रहित शेड्टिआ बावैसो मोनसे इन्टरभिउआव शाहरुख खानजों लोगोसे गावनि सोमोन्दो गाज्रि जानायनि खौरां गोसारनायनि सोमोन्दै सौंथि खालामनायाव डायरेक्टरआ रोखायै बे बाश्राखौ

नेवसिगारदों। कमल नाहयनि गेम चेन्जार पडकास्टआव रहितआ बुडोदि, 'बिब्दि माब्लाबाबो नडा।' बिथाख बेखौबो मिबथि होयोदि, बिसोरनि गोसो सिडव जेबो सुथुर जानाय एबा सैलायै जानाय जायाखै एबा गैया। रहित शेड्टि आरो शाहरुख खानआ दिलवाले सावथुननि उनाव जयै खामानि मावाखै। बेनि सोमोन्दै रहितआ बुडोदि,

जोंनि गेजेराव मोनसे रिस्पेक्ट दं आरो दिलवालेनि उनाव ओरैबायदि जादोंदि, हरखाबै जों जोंनि प्रडाक्सन हाउस खुलिदों। जों थांखि लादोंमोनदि, जों जोंनि सावथुनफोर खालामगोन। जुदि ख'हा जायोब्लाबो जोंनिनो जाथों, नाथाय ख'हा जायाखैमोन। रहित शेड्टिनि बुंनाय बादिब्ला दिलवाले सावथुना भारतआव मोजाडै सोलियाखैब्लाबो नाथाय गुबुन हादतआव बे सावथुना मोजां रां आरजिदोंमोन। 'सिंघम इगेन' सावथुनजों दोहौ सोमजिहोनाय रहित शेड्टिआ आथिखालाव गावनि फैनो गोनां सावथुननि सायाव खामानि मावगासिनो दं।□

केसरी चेप्टर 2 सावथुना भारतनि अनगारै गुबुन हादतआवबो रां आरजिनाय बिथिडाव दोहौ सोमजि होदों

कस्म सिंह त्यागिनि बिथोन होनायाव बानाय जानाय केसरी चेप्टर 2 सावथुना रां आरजिनाय बिथिडाव जोबोद दोहौ सोमजि होगासिनो दं। सावथुननि सल'आ जालियानवाला बाग नस्संहारनि। 18 एप्रिल 2025 आव रिलिज जानाय सि शंकर नायरनि बायपिक केसरी चेप्टर 2 खौ करण जौहरआ बानायदों। बायपिकनि किं अक्षय कुमारआ शंकरन नायरनि फावखौ जोबोद



गोसो होनानै दिन्थिफुंदों। नायगिरिफोर आरो क्रिटिक्सनि फारसे सावथुना जोबोद बाखाय जानाय जादों। केसरि चेप्टर सावथुना भारतआव मोजां रां आरजोनो हानायजों लोगोसे गुबुन हादतआवबो दोहौ सोमजिहोनो

हादों। अभारसिज मार्केटआव बे सावथुना माखासे साननि गेजेरावबो हाफ चेन्सुरि मारिनो हादों। अक्षय कुमारनि सावथुनखौ अस्ट्रेलिया, जार्मनी, इउनाइटेज स्टेट, इउनाइटेड किंग्डम, मालेशिया, निउजिलेन्ड

बायदि हादतफोराव रिलिज खालामनाय जादों। बेयो इउनाइटेड किंग्डमआव गासै 118 स्क्रिन्स मोनो हादों। अदेबानि निउजिलेन्डआव 30, मालेशियाआव मोन 6 जार्मानीआव मोन 37 आरो अस्ट्रेलियाआव मोन 69 मोन्दों। बलिउड हांगामानि रिपर्टनि बायदिब्ला, अक्षय कुमारनि सावथुना गासै हादतआव 50.63 कौटि रांनि कालेक्सन खालामबाय। गुबुन हादतआव बिजनेसआ 15.37 कौटि रांसिम सौहैबाय। इउनाइटेड किंग्डमआव केसरी 2 आव 123,879 पाउन्ट

आरजिदों। 1919 माइथायनि बाश्रा, जेव्हा अमृतश्वरनि जालियानवाला बागआव खैसार सानायनि गेजेरजों सुबुंफोरखौ ज' जाहोदोंमोन आरो बिसोरनि सायाव गुलि गावग्लुंदोंमोन। बे सल'खौ गासै हादतनि सिगाडव सि शंकर नायरआ लानानै फैदों, जाय गिबियाव ब्रिटिस सरकारनि अनसाय जाग्रामोन। जेव्हा बिथाख जालियानवाला बागनि सैथोखौ मिबथियो अब्ला बिथाख ब्रिटिस सरकारनि रोदाखौ सोमावग्लुंदोंमोन। अक्षय कुमारआ सि शंकरन नायरनि बिफाव होदों।□

सलमान खानआ 'गर्भ' सावथुनाव फाव खालामनो नेवसिगारदोंमोन

90 थि जौथाइनि मुंदांखा फावखुंगुरफोरनि सोमोन्दै रायखाडोब्ला बेवहाय सलमान खाननि मुड थारैनो थाफायो। थांनाय 36 बोसोरनिफ्राय सलमान खानआ हिन्दी सावथुननि मुलुगाव फावखुंगुर महरै एक्टिभ जानानै दं। बेनि गेजेरजों गावनि स्वेगखौ लानानै बिथाख खौरांआव थाबाय थायो। सावथुनखौ सायख 'नाय गावनि मुड हिसाबै खालामानयखौ लानानैबो भाइजानआ खौरांआव थायो। बेजों लोब्बा थानाय बाश्राखौ बावैसो सिगां सलमान खाननि 21 बोसोर गोजाम सावथुननि सासे बिथोनगिरिया खोनासंहोदों आरो मिबथिहोयोदि, सल्लु मियाआ गावनि सावथुननि अफारखौ बेनिखायनो नेवसिगारदोंमोनदि, बिथाख बे सावथुनखौ सानि देअल टाइप कास्ट मोन्दोंमोन। सलमान खाननि सावथुनफोरनि सोमोन्दै सावरायोब्ला बेव 2004 आव नुजाथिनाय 'गर्भ' सावथुननि मुड थाफायो। बे सावथुनाव सलमान खानआ पुलिस इन्स्पेक्टर अर्जुन राणावतनि बिफाव होदोंमोन, जाय दासिमबो रायखां जायो। नाथाय नोंथांमोनहा बेखौ मिबथियोब्ला गोमोहाबगोनदि, सलमान खान बे सावथुनआव फाव खालामनो नेवसिगारनाय बाश्राखौ गर्भनि बिथोनगिरि पुनित इस्सरआ मिबथि होदों। सलमान खान आरो आं गोबाव समनिफ्रायनो मोजां लोगोमोन। माखासे सावथुनफोराव



जों जयैबो खामानि मावदों। आं बिथांनो मिबथि होदोंमोनदि, मोनसे सावथुन लिरदों, जेराव नोंखौ समायगोन। जेव्हा बिथांनो गर्भनि सल'खौ खोनासंहोयो अब्ला बिथाख आंखौ बुडो बेथ' सानि देअलनि जनारनि सावथुनसो, बेयो आंनि थाखाय नडा। आं बिथांखौ बुजायो जे बे सावथुना नॉनि इमेजखौ सोलायगोन सलमान, मानोना जुड्वा, बिबि नाम्बार 1, आरो हम आपके है कौन बायदि सावथुनफोराव नोंथांखौ सासे चकलेटि बय बायदि नुनो मोन्दों। बेखौ खोनानायनि उनाव गावनि थांखिखौ सोलायो आरो गर्भनि रिलिजनि उनाव आंनि सानाया थारैनो मोगथां महर लादों।□

आइएसएसएफ वर्ल्ड कापआव सिमरनप्रीटआ सिलभार मेडेल देरहादों, भाकरआ मोनबो मेडेल देरहायाखै

गोदान दिल्ली, 22 एप्रिल: भारतीय शूटर सिमरनप्रीट कौर बरालआ आइजोफोरनि 25 मिटार पिस्टल इभेन्टआव सिलभार मेडेलजों गिबियै गावनि सिनियर इन्टरनेसनेल मेडेल देरहादों। बेरफासँ पेरिस अलिम्पिकआव गँने मेडेल देरहानाय मनु भाकरआ पेरुनि लीमाआव खुं जानाय आइएसएसएफ वर्ल्ड कापआव ब्रैथि मासिआव थानानै मेडेलखौ खोमानांदों। 20 बोसोरनि सिमरनप्रीटआ 10 रेपिड फायर सिरिजआव 33 हित होदों। बिथाडा बे फारिआव चीननि सुन युजिनिफ्राय 1 शट



उनाव थाहैदों। जेराव युजीआ बे इभेन्टआव लान्थ्रियै गावनि नैथि सनानि मेडेल देरहानाय थिसन्दों। बे फारिआव चीननि याअ कियानसुनआ 29 हितजों ब्रन्ज मेडेल देरहादों। भारतआ बे इभेन्टआव गँब्रै सिलभार मेडेलनि अनगायै गँने सना आरो

गोदान दिल्ली, 22 एप्रिल: खेब 5 मेच टुरनि थाखाय भारतनि आइजो हकी हान्जाआ अस्ट्रेलियानि हेंथायै बादायनो थाखाय गावसोरनि दावबायनाय अभियानखौ जागायबाय। बे लोगोयारि सिरिजनि मेचआ अस्ट्रेलिया-ए हान्जानि हेंथायै फैगौ 26 आरो 27 एप्रिलखालि खेबनै बादायनायजों जागायगोन। जेराव बेनि उनाव मुलुगनि नम्बर 5 रेंकिनि अस्ट्रेलियानि सिनियर हान्जाजों पट हकी स्टेडियमआव फारियै 1 मे, 3 मे आरो 4 मेआव बादायगोन। मुंदाखा मीटफिल्डार



सिलमा तेतेनि दैदेन्नायाव फरवार्ड नभनित कौरआ लेडाइ बिबानआव थागोन। जेराव सा 26 सोद्रोमानि हान्जाया बेयाव देरहाबोनो नाजागोन। खौरंगिरिनि मोगा-मोगिआव तेतेआ गावनि हान्जाखौ दैदेन्तो मोन्नायखौ खाफालगोनां फोरमायदों। जेराव बे मेचनि

थाखाय हान्जानि बयबो गेलेनो थियारि जानायखौ फोरमायो। जेराव गावसोरनि खौसेथिजों बे मेचआव देरहानो नाजाबोगोननि बिथाडा फोथायनाय होदों। लेडाइ केपेन नभनितआबो हान्जानि गेजेराव देरहागोननि फोथायनाय आरो खौसेथिनि गोहोखौ फोरमायदों। जेराव थानाय माखासे मेचफोराव जर'खायै प्र: लीगआव गावसोरनि दिन्थिफुनायनिफ्राय हान्जायाव बांसिनै गोहो फैदों होन्ना फोरमायदों।

स्वामी भिबेकानन्द आन्डार-20 फुटबल सेम्पियनसिपआव नागालेन्डआ लान्थ्रियै देरहादों



कहिमा, 22 एप्रिल: स्वामी भिबेकानन्द आन्डार-20 मेन्स नेसनेल फुटबल सेम्पियनसिपनि युप-एडसआव नागालेन्डनि

हान्जाया बेंगलखौ 1-0 गलनि फारागआव फेजेन्दों। रामाकृष्ण मिसन आश्रमनि फोथारआव खुं जानाय बे इभेन्टआव मोननैबो

फेजेन्नानै क्वार्टर फाइनल मासिनि रेसआव सौहैदों। मोनब्रै हान्जानि युप-एडसआव खेबनै राउन्डनि बादायनायजों नागालेन्डआव आबुं 6 पइन्टजों जौसिन मासिआव सौहैबाय। जेराव बे हान्जाया हारियानानि हेंथायै देरहाबोव्बलानो उननि ग्रेडआव सौहैगोन। गुबुन फासँ हारियानानि हान्जाया बे खेबआव देरहानो नाजागोन। मानोना थानाय खेबनै मेचआव हान्जाया 4 पइन्टल' आर्जिदों। बेरफासँ बेंगलआ 1 पइन्टजों बे फारिआव थामथिआव आरो मध्य प्रदेशआ खेबनैबो मेचआव जेन्नादों। नागालेन्डआ बेनि सिगां मध्य प्रदेशखौ फेजेन्दोंमोन। बे मेचआव बेंगलनि हान्जाया नैथि हाफआव गोखोंडै दिन्थिफुंदोंब्लाबो नागालेन्डनि डिफेन्सखौ सिफायनो हायाखै।

सात्विक-सिरागनि हान्जाया सुदिरमान कापनिफ्राय जानगारआव

गोदान दिल्ली, 22 एप्रिल: भारतनि हौवाफोरनि जावजा सात्विकसाइराज रेन्किरेड्डि आरो सिराग शेत्तिआ खुं जानो गोनां सुदिरमान काप फाइनल्स 2025 निफ्राय जानगारआव थासिगोन। बिसोर सानैआ लोमजानायनि थाखाय बे इभेन्टनिफ्राय जानगारआव थानायनि थिरांथा लादों। मुलुगनि 10 थि नम्बरनि बिसोर सानैनि जावजाआ जोखोम ब्रेकनिफ्राय बे इभेन्टआव बाहागो लानो थियारि जाफिन्दोंमोन। बेनि सायाव बेडमिन्टन एस'सिएन इन्डियाआ फोसावलाइनि



गेजेरजों रोखा खालामबाय। बिसोर सानैआ जोबथा खेब थानाय दानआव अल इलेन्ड अपेन सुपार 1000 आव

बेडमिन्टन एसिया सेम्पियनसिपनिफ्रायबो मुंखौ बोखानानै लाफिन्दों। मुलुगनि बारग' नम्बर 1 बिसोर सानैनि

जराआ बे इभेन्टनिफ्राय जायखारनाय नैथि जावजा जादों। जेराव बिसोरनि सिगां आइजोफोरनि जावजा त्रिचा जली आरो गायत्री गपिचान्दआबो गावसोरनि मुंखौ बोखानानै लाफिन्दों। बे इभेन्टआव भारतआ बारग' वर्ल्ड सेम्पियन पिभि सिन्धु, वर्ल्ड सेम्पियनसिपनि मेडेलिस्ट लक्ष्य सेन आरो एडसएस प्रनयमोननि बाहागोआव दावबायगोन। वर्ल्ड मिक्स टीम सेम्पियनसिपआ चीनआव फैगौ 27 एप्रिलनिफ्राय 4 मेनि गेजेराव जियामीनआव खुंफुंजागोन।



खालामदों। जेराव निरजनि मुडैनो बे इभेन्टखौ निरज चप्रा क्लासिक 2025 मुं होनाय जादों। जेराव पेरिस अलिम्पिकनि ब्रन्ज मेडेलिस्ट आरो खेबनै वर्ल्ड सेम्पियन जानाय ग्रेनेडानि एन्डारसन पिटार्सनि अनगायैबो रिय अलिम्पिकनि सिलभार मेडेलिस्ट जुलियास येग'आ बारग' वर्ल्ड सेम्पियन महरै

एलएसजिनि हेंथायै केएल राहुलआ जारिमिन थिसन्नायनि लामायाव



गोदान दिल्ली, 22 एप्रिल: दिल्ली केपिटल्सनि स्टार उड्केट किपार बेट्समेन केएल राहुलआ गावनि गोजाम फ्रेन्चाइजी लखनौ सुपार जइन्टसनि हेंथायै मेचआव जारिमिन थिसन्तो खाबु मोन्दों। आइपिएल 2025 नि 40 थि बादायनायनो गोनां मेचआव दिल्लीनि हान्जाया लखनौजों जागोन। जेराव राहुलआ बेयाव आइपिएलआव बयनिखुइ गोखेंसिन 5000 रान आबुं खालामनो खाबु मोनगोन। बे मेचआव हायाब्लाबो बिथाडा उननि मेचआव बे जारिमिनखौ

सोरजिनो खाबु मोनगोन। बिथाडा आइपिएलआव गोखेंसिन 5000 रान खालामनो 51 राननिल' गोनांथि दसै। राहुलआ दासिमआव खेब 129 इनिंसआव 4949 रान लाबाय। जेराव बे रान लानायनि रेकर्डआ सोलिफु समाव डेभिड वानार्नि मुडाव जानानै दड। वानार्निआ गावनि 135 इनिंसआव 5000 रानखौ आबुं खालामदों। बे फारिआव भारतनिनो भिराट कहलीआ नैथि नम्बरआव जायगा मोनो। जेराव बिथाडा आइपिएलआव बयनिखुइ गोखेंसिन 5000 रान खालामनाय गिबि भारतीय बेट्समेन जानानै दड। सोलिफु आइपिएलआव राहुलआ गेलेनाय खेब 6 मेचआव मोजाडै दिन्थिफुंदों। जायनि फारिआव खेब 6 इनिंसआव बिथाडा 53.20 जौखोन्दोजों 266 रान लाबाय। बे समाव बिथानि दिन्थिफुंनाय स्ट्राइक रेटआ 158.33 आव थाहैदों। जायनि फारिआव बिथाडा सोलिफु सिजनआव खेबनै हाफ सेन्सुखिबो लाबाय। बेरफासँ राहुलआ सोलिफु सिजनआव दिल्लीनि थाखाय टप रान स्कारर जानानैबो दड। बेबादि थासारिआव बिथाडा बे रेकर्डखौ गोलेँयैनो थिसन्तो हागो।

एएटिए-एआइटिए टेनिस टुर्नामेन्टआ गुवाहाटीआव जागायबाय



गुवाहाटी, 22 एप्रिल: ए ए टि ए - ए आ इ टि ए सेम्पियनसिप सिरिज टेनिस टुर्नामेन्टआ गुवाहाटी नोगोरमानि सिडाव थानाय अल आसाम टेनिस एस'सिएन कमप्लेक्सआव दिनै मंगलबारनिफ्राय जागायबाय। जेराव हिन्जावसाफोरनि आन्डार-14

सिंगेल्स इभेन्टआव जागायजेन्नाय सानखालिनो सोनाब बंगनि रेंकिं गैजायै इभाना आरडाआ आसामनि रिया बर'खौ थोंजों सेटआव

6-2, 6-1 स्करआव फेजेन्दों। आसामनि ब्रैथि रेंकिनि बादायारि बर'आ बे समाव गावनि सार्भ आरो रिफ्लाइआव मोजाडै दिन्थिफुंनो हायाखै। जेराव गुबुन रेंकिं गोनां गेलेगिरिफोरा देरहानायजों उननि राउन्डआव सौहैदों। जावजा थाखोनि बादायनायाबो बे इभेन्टआव जागायसिगोन। बे इभेन्टनि गेजेरजों राइज्योनि गोबां टेनिस अन्सायगिरिफोरा थुलुंगा मोनगोन। जेराव बेनि गेजेरजोंनो गेलेगिरिफोरा माहारियारि आरो हारिमायारि थाखोसिम दावगालानायनि लामाखौ मोनो हायो।